

Jesu Ea Bitsoang Kreste

Ke Mo Etse Joang?

 Morena a o hlohonolofatse, Moena Vayle. Dumelang, metswalle. [Phutheho e re, “Dumela, Moena Branham.”] Ke morao kamehla. Billy o na ntsa mpolella hore ke ne ke e-na, hoseng hona, le dipuisano tse ikgethileng tse ka bang mashome a mararo, mme ke ile ka tshwara tse pedi tsa tsona, ka baka leo, kea kgolwa tse pedi kapa tse tharo. Ka baka leo nke ke ka kgona ho fihlela motho e mong le e mong, le a tseba, mme batho ba eme, mme esale ba le lenaneng dikgwedi le dikgwedi. Mme Modimo o na ntsa etsa tse ding tsa dintho tse kgolo ka mono. Oho, Ke—Ke Modimo wa rona. Ana ha se Yena? [“Amen.”]

² Jwale ke a kgolwa, hoseng hona, bohole re elellwa mahlomola a hlahetseng setjhaba sena, a tahleheloh ya Mopresidente wa rona, Mong. Kennedy. Leha ke ne ke sa dumellane le monna eo ka dipolotiki tsa hae le ka bodumedi ba hae, empa leha ho le jwalo ha a lokelwe ke ho shwa ka tsela eo. Tjhe. Mme o siya bana bao ba banyenyane, mme ba se na ntate. Le mme ya... Mof. Kennedy, leha nke ke ka dumelana le yena ruri, le mekgwa ya hae le dintho, mohlomong, empa, hopolang, ke mme. O sa tswa lahlehelwa ke masea a hae, mme o lahlahetswe ke mohatsa'e. Mme o ile a wela hantle mafareng a hae, mme madi a mohatsa'e ka sebele a tsholohela mafareng a hae. Ho a tshabeha.

³ Na le kile la nahana le ka mohla... Mohlomong re nahana hore o bea sekgahla sa motsamao wa setjhaba, ka ditaele le dintho. Ho ka nna ha ba jwalo, le teng. Empa na le ne le tseba, hore Mof. Kennedy ha e-so utlwae o le mong wa Melaetsa ena eo ke rerang ka yona. Hola a ka utlwa o mong wa Melaetsa eo, a ka sebetsa ka mokgwa o fapaneng. Mme ba bang ba bokgaitsedi ba rona ba o utlwa, mme le jwale ha ba tiisetse ho wona. Le a bona? Le a bona? Le a bona? O hotse e le Mokatolike; ke phetho seo a se tsebang. Ha ho letho kgahlano le hono, le a bona. O... Ke morero. Ha ho letho kgahlano le batho, batho ba Katolike. Ke tsamaiso, tsamaiso ya Katolike, jwaloka feela ka Presbeteriene, Methodise, kapa efe feela ho tseo tsohle, le a bona, kapa Pentekosta, efe le efe ho yona. Ke tsamaiso, ha se batho.

⁴ Mong. Kennedy, ke nahana, hore o entse e—e mosebetsi o motle wa ho ba Mopresidente. Mme pelo ya ka e tswela mosadi wa hae. Mme ke ikutlwa ke hlomohile haholo ka baka la hona, hore esita le setjhaba sa rona ka sebele, dihlopha tsa dikweta le ba jwalo setjhabeng sa rona ka sebele, di ka etsa ntho e kang eo.

⁵ Ha o sa kgone ho hanana le motho, hantle, mme wa nka kemo ya hao; mme ha se lona lebaka la ho bolaya monna e mong, ka baka la dintho tse kang tseo. Mme bana bao ba banyenyane ba tseba, ba re, thakanyana le leng la re, "Jwale ha ho sa na motho eo ke bapalang le yena hape. Ntate o ile." Le a bona?

Ka baka leo esale ke nahanne hore boo e tla ba boemo ba ka, ka tsatsi le leng. E batlile e etsahala ka makgetlo a mmalwa, jwaloka ha le tseba, ho thunngwa dinaheng disele; hodima ba ne ba loketse ho mphuama ka mebele ya bona, ho mpaballa ho thunngweng, motho a le hole.

⁶ Ka baka leo ha motho a shwa ka mokgwa oo... Empa, oo ke—ke moputso o lefshwang, o tsamayang le tlotla ya dintho tse fapaneng. Le a bona? Ke nahana hore re etsa palohare ya Mopresidente e mong le e mong wa bone, a le mong ho ba bane, o a fenethwa, mme ke hlonyme hampe ka sena. Ke dihlong ha re na le motho ya jwalo Amerika, ya ka etsang ntho e kang eo.

⁷ Mme jwale, leha ho le jwalo, jwaleka ha ke boletse, ke—ke ne ke sa dumellane le dipolotiki tsa hae. Kea... Ha ke, ke ne ke sa dumellane le menahano ya seo a neng a leka ho se etsa. Empa, le a bona, ke monna e mong. Mme ke ne ke sa dumellane le tsamaiso ya bodumedi ba hae. Ke—ke ne ke sa dumellane le ntho eo ruri. Empa, leha ho le jwalo, o—o hodisitswe jwalo. Ke—ke seo e neng e le sona. Jwaloka ha ke boletse, holane a utlwile ntho e nngwe e fapaneng, ho ka be ho fapanen.

⁸ Ho na le e—e ntho eo re e etsang mona, nako le nako ha motho e mong wa habo rona a shwa, kapa ntho e nngwe, esita leha e le ka ntle... Ke nahana jwaloka—jwaloka kereke ya Amerika, jwaloka mmele wa maAmerika...

Batho ba Amerika ba voutetse Mong. Kennedy hore e be Mopresidente. Mme e ne le... Ke ka baka leo re leng demokrasi. Ha ke a voutela Mong. Kennedy. Ke voutetse Mong. Nixon, hoba ke tsebile Mong. Nixon, ka seqo. Mme ke—ke ne ke mo rata, mme ka—mme ka mo vutela, ka seqo, hoba ke ne ke mo rata. Empa batho ba naha ena, maAmerika, baahi-mmoho le nna ba setjhaba sena, ba kgethile Mong. Kennedy. Mme kamoo ba e sebeditseng, tjhe, ke pakeng tsa bona le Modimo, empa ho hakaalo.

⁹ Empa ke nahana hore, bakeng sa mme enwa, motho, mma bana, Mof. Kennedy, na re ka ema feela motsotsotso ho etsetsa mosadi thapelo?

¹⁰ Morena Jesu, rona bana ba batho, re utlwelana bohloko. Mme re maswabi, Morena, ha Presidente wa rona a thuntswe ka mokgwa oo, polaong e sehloho. Mme re maswabi haholo ha setjhaba sa rona se fihlile tulong ena, ha batho ba kang bao ba—ba le teng setjhabeng sa rona, ba ka bolayang motho polaong e sehloho; jwaloka ha ba thuntse moena eo wa

bammala nakong e seng kaalo ya ho feta, mme ba mo thunya feela polaong e sehloho, ka baka la tshekamelo ya morabe. Mme re maswabi ha batho ba jwalo ba le teng hara rona, Morena. Rona, bofokodi ba rona, bo bakile sena.

¹¹ Mme re rapella Mof. Kennedy, mosadi eo wa enwa, Presidente. Leho tseba hore maseanyana ao a batla ntata—ntata wona, ya ba siliheng matsatsi a mmalwa pele ho moo, e le motho ya thabileng, mme o na ntsa ba phathatsa mme a bapala le bona fulurung. Jwale ha ba na ntate. Le bakeng sa mosadi eo ya...mosadi wa hae, eo monna wa hae ka sebele a wetseng mafareng a hae hantle, mme madi a hae a phalla hodima mose wa hae; a sa tswa pata lesea la hae feels.

¹² Mme leha ho le jwalo, Morena, mohlomong re dumela ha mosadi a le phoso, ka—ka—ka moo a beileng sekgahla setjhabeng, sa moaparo wa hae le tse jwalo; empa ho—ho ka bajoalo bathong ba Amerika, kaofela, bona, ke sona seo ba se batlang. Ka baka leo re—re a mo rapella, hoseng hona, hore O tle o mo thus. Mme nakong ena ya bofifi bo bohloko a tle a fumane seo Nnete e leng sona, Jesu Kreste! Fana ka sena, Morena, e leng Yena feels Ya ka fanang ka kgotso le matshediso horeng ya mathata.

¹³ Mme re thus, Morena, ho tswelapele, ka dipelo tsohle tsa rona, ho ba lesedi le tukang, hoba re sa tsebe hore ke nako efe kapa ke tshwaetso efe eo re ka bang le yona mothong e mong. Mme re ke re tjhabise Lesedi la Kreste A tle a be a fihle. Mme jwale he Modisa e Moholo wa mohlape, Ya tsebang toka yohle, o tla phethetsa sebe se seng le se seng, mme O tla tseba hantle mokgwa oo A tla e sebetsa ka oona. Mme ho fihlela mohlang oo, re ipea matsohong a Hao, bakeng sa lerato la Hao le mohau hodima rona. Lebitsong la Jesu. Amen.

¹⁴ E, ha ke hopole ho na le motho ya loketseng ho shwa jwalo. Jwale, Mong. Lincholn o na a sa lokela ho shwa jwalo. Mong. McKinley o na a sa lokela ho shwa jwalo. Huey Long o na a sa lokela ho shwa jwalo; ha ho le a mong wa mathaka ao. Ha ke dumele nthong eo. Babolai, ho hobe. Bashanyana ba rona ha ba lwanela ntho e kang eo mose ho mawatle. Folaga ya rona ha e a phahamisetswa ntho e kang eo. Ha re baahi ba Amerika bakeng sa ntho e kang eo. Tjhe. Leha, setjhaba sa rona se fapostiswe mme se tshophilwe ke sebe, ke sona—ke sona se bakang dintho tsena. Ke sebe.

¹⁵ Jwale, kajeno re na le...Ke tla ruta sekolo sa Sontaha, le dintho tse mmalwa tseo ke ratang ho di bolella kereke. Mme ke hore, ntho ya pele, ke rata ha le ka ntshwarele bakeng sa ho le tshwarella halelele hakana ka boSontaha hoseng ha ke na le Melaetsa ena. Mme hape ha Morena a rata....Lebaka leo ke etsang sena, ke hoba ke—ke le hara batho ba heso mona mme ke—ke ruta dithuto ka matla kamoo ke tsebang. Ha ke rute

dintho tsena ntle kwana dibakeng tse ding. Ke ema feela hodima—hodima metheo ya bohlokwa ya Evangedi. Empa dithuto tsena tse matla, ha ke—ke di rute kwana—kwana dibakeng tse ding. Mme hape, mona, ho nkuka hora, ka nako e nngwe, dihora tse pedi kapa tse tharo, ho qeta Molaetsa wa ka. Mme ke le tshwarella mona ka dinako tse ding, mashome a mararo ka morao ho leshome le metso e mmedi, hora ya pele. Mme ke ntho e nyenyane ho eo ke ne ke tlwaetse ho e etsa. Ke ne ke tlwaetse ho qeta bosiu bohole, mohlomong, ka nako e nngwe. Ke ye, re qale ka, hangata, ho ella horeng ya borobedi mme re ye hae hoseng ho hlahlamang ka nako ya bobedi kapa ya boraro, ke hantle, ho tswa dikopanong tsa ka.

¹⁶ Empa ke—ke—ke tla leka, mohla ke kopanang le lona hape, mme feela e—e nthwana . . . kgothatso ho e-na le thuto e ngata hakana ya hona, ntle leha nka le hlokomedisa pele ho nako hore etlaba ntho e nngwe. Hoba, ke na le Diterompeta tse Supileng, ke a kgolwa, tse tla latela, tse hokanang hantle kahara Tiiso ya Botshelela. Ha Tiiso ya Botshelela e ne e utlwahala, Diterompeta tse Supileng tsohle di llile ka nako e le nngwe, le a bona. Mme ka baka leo re . . . Ke batla ho fetisetsa taba eo ho Kereke pele ho ho Kgutla ha Hae, haeba . . . kapa ho tsamaya ha ka, kapa seo e ka bang sona, ha nka kgona.

¹⁷ Jwale, haeba re etsa hono, re tla le tsebisa pele—ho—nako he. Mme mohlomong nakong eo, jwaloka ha re bona hoseng hona, diholo di hatellane, le mabota, le ho potoloha, re tla leka . . . Re fumane sebaka seo re ka nyolohelang ho sona mona. Se dula diketse tse ka bang tharo tsa batho, mme ke odotoriamon e ntle ya sekolo hantle ka hodima rona mona. Mme Diterompeta tse Supileng, re tla leka ho di rera hodimo mono sekolong seo. Mme e tla fana ka sebaka se se ngata sa ho dula, le a bona, e le hore re kgone ho kenya batho.

¹⁸ Re batla ho tlaleha, hore New York, re sa tswa ba le nako e babatsehang. Odotoriamong ya Morris mono, ra lokela ho kgutlisa batho, bosius ka bosiu. Ba hatellane ka hare. Mollo . . . Monga sebaka seo . . . Boramollo ba ka kwala sebaka ha re ka ba dumella ho ema, ba hatellane jwalo. Mme hape ra lokela ho ba kgutlisa. Mme batho ka ntle seterateng, ba ya hodimo—le—tlase seterateng, ba rapela hore motho e mong a kgathale a eme mme a tswe, ba tle ba kene ba fumane setulo. Le a bona? Motho a le mong feela, ba emela motho a le mong ka ntle mono, ho kena ka hare. Le ya latelang pela monyako, ebe ba kenya motho e mong ka mokgwa oo. Ha motho e mong a ema a tswa, mme ba lokela ho ya hae pele ho nako, tjhe, ba ne ba kena ba se arolelana hakaalo. Le a bona, ba ne ba tla. Ho hotle haholo, ke sehlopha se kgabane sa batho. Mme ke dumela hore lefatshe, kereke ya Bokreste, e lapetse Modimo.

¹⁹ Jwale ke—ke—ke tshepa hore . . . Ke a o leboha, moena. Ke—ke tshepa hore—hore Modimo o tla re fa monyetla ona,

moo re ka bokanang mmoho mme ra tshwarana le Diterompeta tseo tse Supileng tsa ho qetela. Ke rata ho etellwa pele ho etsa dintho tseo, le tle le tsebe.

²⁰ Mme hape borakefeseng ba borakgwebo...Ka tlwaelo, mohahong wa bona mono, ke nahana ba itse ba na le ho tloha ho mashome a mahlano ho ya ho lekgolo borakefeseng ba bona. Mme hoseng hoo ba ile ba rekisa ditekete makgolo a leshome le metso e supileng, ba tlatsa sebaka sohle kahare, ho tlatsa sebaka. Mme motjhoporo ka mong, le maboteng hohle, le hodimo-le-tlase ditepiseng, keha ho eme batho. Le baruti ba bang ba maemo a hodimo, baprista ba mmalwa, le—le ba jwalo, ba le teng mono ho utlwa Molaetsa. Mme ka hona, ke utlwisia, kea kgolwa o thusitse ha nyenyane. E ka ba mohlomong o sebeditse ho feta—ho feta, haholo ho ya kamoo re nahanang hore ho ka etswa ruri.

²¹ Jwale, hape, bosius bona...Re tla ba le...Molaetsa bosius bona, ha Morena a rata, ka—ka theroyaya kamoo, e buang ka maemo a lona le Kreste. Mme jwale oo o tla...O tla ba mokgutshwane. Re batla ho qala, ke batla ho hlwella dikalaneng ka mashome a mararo ka morao ho supa. Haeba...Ka tlwaelo le ye le qale ka nako efe, ka mashome a mararo ka morao ho supa? [Moena e mong o re, “Re qala ka mashome a mararo ka morao ho supa.”—Mong.] Oh, supa, mme ke tla hlwella kalaneng ka mashome a mararo ka mora supa, mme hoo ho loketse ho nntsha ka bo mashome a mararo ka mora robedi, ha Morena a rata, hoba ke—ke feela...Ke tla potlaka feela kamoo nka kgonang, mme ke tla qalella ho ikwetlisa.

²² Mme ntho e nngwe hape, ke, ho ka ba le baeti ba utlwang batho ba tsheha. Hoba, ke leka ho tloha mona, empa ha ke kgone ho etsa hono. Ho batla ho le...Kea kgolwa e utlwahala e sa thunthetse borapedi, empa mme o na re, ha batho ba bokane ka mokgwa oo, eka nyoponyopo ya sorogame hoseng ho batang. Le a tseba, e tiile, mme e phalla butle. Mme ka baka leo ho batla ho le jwalo. Ke tsamaya butle Melaetseng ena, hoba mo—monate wa ntshwe ya Modimo, le a tseba, eka o re tiisa hammoho. Mme ha ke—ke—ke, mme ha ke batle ho be ka tsela e nngwe. Ke—ke batla ho dule ho le jwalo feela. Etswe, ke sa popola re ne re tlwaetse ho ema mme re bine thoko eo.

Ho bokwe tlamo e tlamang
Pelo tsa rona ratong la Bokreste;
Kopano ya rona ya kelello tse jwalo
Eka eo ya Hodimo. Le a bona?

Kwana ha re arohana,
Ho re hlabevisa ka hare;
Empa re tlubesale re kopane pelong,
Mme re tshepile ho kopana hape.

²³ Mme ke—ke a tshepa etlabe e sa le e le pheello ya rona—ya rona mona. Bongata ba bahalaledi bao ba kgale bo so no robale ho tloha mohlang oo, empa re ntse re kopane pelong. Mme ke nahana hore pono eo hoseng hoo, ha ke ne ke ba bona kwana, homme ka hlohonolofalo le kganya dibopeho tse ntjha tsa banna le basadi, di eme jwaloka ha di eme mona, ha di sa le lefatsheng mona. Mme ke nahana di emetse ho tla ha rona. Tsatsi le leng re tla kopana le tsona, ha Modimo o rata. Jwale ke—ke . . .

²⁴ Mme le hopole ditshebeletso, tshebeletso ya mmino e tla qala ka hora ya bosupa bosuing bona, bakeng sa mashome a mararo ka morao ho supa.

Mme hape, beke e tlang, ke Shreveport, Louisana, le mono Life Tabernacle Shreveport, Louisana. Mme kea kgolwa ba ntse ba leka ho fumana odotoriamo e ka mose ho seterata. Moena Moore o na a letsitse maobane, a re ba . . . Ke seboka sa selemo le selemo, mme ba lebeletse makgotlahadi a batho.

²⁵ Mme ke batla ho fana ka bopakinyana pejana feela ke bala Mangolo. E—e mofumahadi e monyenyan e o na dutse mona tsatsi le leng, ho e na le . . . Ho le bolella seo tshebetso ya ho rapella motho e mong e leng yona. Ke sa tswa sheba fatshe mme ka bona mofumahadi e mong eo feela eo ke . . . Margie Cox, mosadi wa Moena Rodney Cox ya dutseng mona. Mme beke e fetileng, kea kgolwa, ha re ne le mona, Moya o Halalelang o no ntso senola merero ka hara mohaho, le a tseba, kamoo batho ba bolellwang. Mme o ne a dutse . . . O dutse mona hona jwale. Empa o na le kae—kae mono. Mme ka—ka ka sheba, mme ha ba le mofumahadi ya—ya bitswang, ya neng a na le lefu la tswekere. Mme Margie o ne a . . . Mme ponong keha e le Margie. Mme Margie o ne a eme mono; mme leha ho le jwalo ka sheba fatshe, ka mmona, mme e ne e le . . . Mme ka nahana . . . Mme ka sheba ho bona mosadi enwa e mong, mme Margie o ne a le teng ponong, empa Lesedi le le hodima mosadi enwa e mong. Ka baka leo ka—ka tadima.

²⁶ Mme ka nahana, tjhe, ha nka bitsa Margie, ba tla re, “Ehlile, hono, ehlile.” Motho e mong ya ba tsebang, ba ka re, “Kgele, o—o . . . Mohatsa’ e ke e mong wa metswalle ya hae—ya hae ya hloho ya kgomo. Ba phela mmoho, ba robala mmoho, ho tsoma mmoho, le—le ntho ka nngwe. Ehlile, hoo ke, a ka tseba taba eo.” Empa Margie o na sa e tsebe. Empa ka bitsa mosadi e mong, eo e neng e le . . . Kea kgolwa, e le kgaitsemi ya tswang Chicago, ka utlwa ka mora moo.

²⁷ Empa ha etsahala he, hore ha habo . . . feketering, ba etsa ditlhahlolo tsa daebetese. Mme—mme o ne a tshwere daebetese. Mme ka hona a le tseleng ya hae, maoba, a ya tleleniking ka baka la yona. Mme—mme ka hona eitse ha a e bolela, yaba ke mo hopotsa sena. Mme ka re, “Tloo kwano,

Kgaitsemi Margie.” Le ho mmolella kamoo a na ntsa shwa bohatsu matsohong a hae, le—le kamoo ho no nang le maikutlo a mabe haholo.

Mofumahadi eo e monyenyan o sebetsa bosiu le motsheare, mohlomong, hodimo mono, ho . . . mmenyana ya tshepehang, ho thusa monna wa hae ho lefella ntlo ya bona eo ba lekang ho e haha. Mme—mme yena le kgaitsemidinyana ya hae, Nellie, le Charlie, eo ke moena wa Rodney, mosadi wa hae, mme bao bohole ba sebetsa mmoho difektering tseo mono, ka thata kamoo ba ka kgonang. Mme ba emetse sekgoro. Ba hodisitse moriri wa bona, mme ba tlosa meikapo, dintho tse kang tseo, ha ba ne ba fetoha Bakreste. Ke dumela ho isa tlotla moo tlotla e loketseng teng. Mme ruri ke na le sebaka se mofuthu pelong yaka bakeng sa basadi bana ba babedi ba batjha.

²⁸ Ka nto mo tshwara ka letsoho le ho mo rapella. Mme a nyoloha, mme keha ba sa kgone ho fumana mohlala wa daebetese kae kapa kae. E nyametse, jwalo.

Ho na le mofumahadi a na dutse sebakeng se seng mona, ya ileng a bitswa, mme e le kgaitsemi ya bitswang Bruce. Ha ke mmone hoseng hona, empa kamehla a . . . Ke mosadi ya rapelang haholo. Mme mosadi enwa a kena mme, a le teng mohla ke ne ke etile kgetlo la ho qetela mona, mme ho se—ho sa ntshwa ditlankana tsa ho rapellwa, kapa le letho, kahoo ho ke ke ha ba le motho, ho se mola wa ho rapella, ka baka leo feela ba . . . Moya o Halalelang wa mpa wa bitsa letshweleng.

²⁹ Mme Mofn. Bruce enwa, o ne a—o ne a fodiswe ka mohla o mong, ka boyena, mofetsheng. Mme mosadi—mme mosadi kamehla a na le morwalo pelong ya hae bakeng sa motho e mong o sele, mme a ntsa rapela feela. Mme ho na le mofumahadi ya tswang Louisville, ya neng a shwa, mofetshe mmetsong. Mme yare a sa rapela, Moya o Halalelang o ya ho mosading eo hantle, wa mmitsa, le sohle seo O ileng wa se etsa, ho bolella mosadi hore e ne e le mang, wa mmolella, ke rialo, hore e ne e le mang, le hore bothata ba hae e ne e le bofe, le ka ho tshwarwa ha hae ke mofetshe, le hore ho yena, ho tla itokela. Mme mofumahadi a ya hae.

Matsatsi a mmalwa ka morao ho moo, a qala a kgangwa hoo a batlileng a shwa, mohlomong, mmetsong wa hae wa ruruha hodimo kwana. A hohlola haholo, mme mofetshe wa betseha wa tswa. Mme o phethahetse. Le a bona?

³⁰ Se etsahetseng, le a bona, kgwabi, ka boyona, ke lefu le petlang le nang le bophelo ka ho lona. Le a bona? *Mofetshe*, o tswa e—e lentsweng, polelong ya bongaka, ya “lekgala,” ho bolelang hore o na le maoto a mangata, jwaloka e—e lekgala leo le le fumanang lewatleng mme—mme o monya madi a hao. Mme lefu lena le petlang mmetsong wa hae le bakile, le ne le, ke seo le neng le se etsa.

Jwale, le a bona, ha ke sebetsane le kgwabi eo e holang. Ke sebetsana le bophelo bo leng kgwabing. Le a bona? Bophelo bo ka hara kgwabi ke bona boo re sebetsanang le bona. Le a bona? “Ka Lebitso la Ka ba tla leleka matemona.” Lentswe *diabolosi* ke ntho e kang “motubi,” wa mmele. Mme hona e ne e le diabolosi. Mme yare ha bophelo bo tswa kgwabing, ehlile, ba etsa hore kgwabi eo e qale ho ruruha.

³¹ Jwalo feela ka ntja e hatlweng seterateng, ntho e kang eo, e re e robale letsatsing mono matsatsi a mmalwa, he, mme e ye e budulohé makgetlo a mabedi.

E, ke yona ntho e neng e mpefatsa mosadi e monyenyané. Ke hlalositse taba eo hangata. Ha o mpefala, ke yona pontsho ya hore o fodile, o a bona. Mme ka hona e ntse e mpefala ka nako tsohle, mme ya mo qhwela, hoba e ne ntse e ruruha. Mme ntho... Empa e ne e kgaohile, bophelo bo ne bo tswile ho yona. Mme a hohlela ka mokgwa oo, le a bona, [Moena Branham o a hohlela—Mong.] *jwalo*, ya tlola, ya lokoloha nameng ya hae yohle. Mme ntho e shweleng, e le mmele feela o se nang bophelo ho ona, mofetshe wa tsamaya, wa tlola wa tswa, o a bona, wa wela ka ntle.

³² Ka baka leo, ke eng, mmele o no tswile he. E ne e se diabolosi ya tswileng. E le ntlo a na dula ho yona. A tswa ka baka la tumelo ya mosadi hodima seo a se boleletsweng, ka ho tseba hore Jesu Kreste ke yena maobane, kajeno, le ka ho sa feleng, ke yona ntho e bolaileng mofetshe, ya ntsha bophelo.

Jwale, a ka be a ile—a ile a ya ho ngaka, mme ngaka ya re, “Mepoto, n—n—ntho eo e sa le teng mono jwaloka ha e ne e ntse e le teng kamehla.” Empa ho ne ho nepahetse, kgwabi e ntse le teng mono, empa e seng bophelo, bo ne bo le siyo. Le a bona?

³³ Jwale, haeba e ne e le sebakeng seo e ne e sa tlo kgona—kgona ho fetiswa teng?

Na ke sona setshwantsho seo? [Moena Neville o re ho Moena Branham, “Ke setshwantsho sa kgwabi e tswileng ho Mof. Baker, ho tswa kwana Springville, Indiana. Mme mosadi... Sena ke setshwantsho se hodisitsweng, a e ntshitseng, ka morao ho thapelo.”—Mong.] Setshwantsho sa kgwabi ya Mof. Baker, ya tswang Springfield, Indiana, e tswileng, ka morao ho thapelo. Ke setshwantsho sa yona. Le a bona, ke mmele oo diabolosi a na phela ho wona.

Jwalo ka ha o phela mmeleng ona oo o phelang ho ona; o ka ba monyenyané, moholo, hloho e kgubedu, hloho e ntsho, seo e ka bang sona. O a bona? Ekaba diabolosi ya phelang mmeleng ona, kapa Kreste ya phelang mmeleng oo. E, mme jwale ha bophelo bo tswa ho wona, mmele wa hao o sa le lefatsheng mona, o a bona, empa bophelo ha bo yo mono.

Bophelo ha bo tswile, mmele o no ntso le teng mono. Mme yaba o tshwasoloha mmeleng wa mosadi mme wa ntshwa, mmele wa tswa.

Empa ha o le tulong eo o sa kgoneng ho tswa, jwale pelo ya hao e loketse ho nka ntho eo e shweleng mme e hlwekise madi, nako le nako ha e otla. O baka feberu, le ntho e nngwe le e nngwe e sele, hoba ke tshwaetso. O a bona? Mme pelo ya hao e loketse ho... Ke nahana hore pelo e hlwekisa madi ha a ntsa feta. Na ho jwalo, Kgaitsei Dauch? Ke nahana ho nepahetse. Pelo, ha e otla, e a hlwekisa. Mooki, le a tseba, le e mong ya dutseng ka pela hae mona. Hlwek... e nka... Mme ke yona ntho e bakang feberu e tswang tshwaetsong. E nka tshwaetso mme—mme e phahamise feberu.

³⁴ Jwale, batho, le a bona, ke tumelo ya lona. Le ka mohla ha se maikutlo a lona. Ha se letho, le haeba ho le jwalo, ha letsoho la ka le sa otloloha. Ke taba e thoko le yona. Ke tumelo ya ka e sebetsang hono. Le a bona? Hantle ka pela rona, re bona setshwantsho sa motho ya phethahetseng ya fodileng, ka tumelo. Mme re mpa re nka kgato ka kgato ho fihla re kena ka hara motho eo, mme re ntano tswella jwalo le yona. Le a bona? Ke moo he. Mme hono, ke yona ntho e etsang hona, tumelo ya hao; e seng maikutlo a hao. Ke tumelo ya hao e etsang hono. Diteboho le pokodi be ho Modimo!

³⁵ Jwale motsotsa wa thapelo feela, mme re na le theron eo re batlang ho e ela hloko mona, le nakwana eo Morena a tla sebetsana le rona ho latela sena.

Mme, jwale, mme ha ba bang ba lona ba loketse ho tsamaya hoseng hona, mme ba sa tlo ba teng tshebeletsong ya mantsiboya, ha Morena a rata, ke—ke batla ho ba mona hape. Lelapa le tla kgutla bekeng ya Kresemose. Mme hape, Sontaha se hlahlamang Kresemose, ha Morena rata, ke batla ho rera Molaetsa wa ka wa Kresemose mona Tabernakeleng, Sontaha se hlahlamang Kresemose. Ha Morena a rata, mohlodithero etlaba, *Moleleri Ya Seterateng*.

Ka baka leo a re inamiseng dihlooho tsa rona jwale mme re fane ka thapelo pele re bala mohlodithero.

³⁶ Morena Jesu, O k'o be haufi le rona nakong ena. Mme re a tseba ho thata ka kerekaneng ya rona, mme ba bangata ba eme. Mme—mme ha se ka baka la boiketlo ba sebaka re leng mona, se re fang boiketlo ba mmele, hoba ha se na boiketlo. Mme ha re mona ho bonwa. Empa re mona hoba re utlwile Boteng ba Hao. Mme re a tseba O teng mona. Mme re mona bakeng sa tokiso. Mme re mona, ka tsebo ya hore re ka tlung ya Modimo. Mme re ikutlwa monate ho ba mona, ho sa tsottelehe ho hlokahala boiketlo bo bo kakang, ho ema, mme—mme ho petatsane, empa re mona hoba re—re utlwa hore Modimo o teng mona.

³⁷ Mme moshanyana eo o tshwanetse a ba a ikutlwile jwalo bosiu boo, mohla Paulose a na rera bosiu bohole, molaetsa o molelele hakakang, mohlomong ho tloha ha tsatsi le dikela ho fihlela ha tsatsi le tjhaba, hosseng ho hlahlamang. Mme lethakanyana le dutse hodimo kwana, a wela mme ba se ba hopola hore o iketse. Mme Paulose a robatsa mmele wa hae hodima hae, mme Moya wa Modimo o no le hodima moromuwa wa kgutlisetsa moya wa bophelo mmeleng wa moshanayana. Mme a re, “O tla loka,” mme mohlankanyana a phela. A na le kgahleho ho seo Paulose a se bolelang.

³⁸ Mme, Modimo, re na le thahasello hoseng hona ho seo Moya o Halalelang o ka tshwanang o se bolella dipelo tsa rona. Mme re rapela hore O tle o ngwathiele e mong le e mong wa rona Bohobe ba Bophelo, etlere ha re tloha mona kajeno, re tle re se ke ra tswa ka mohahong wona re le batho ba tshwanang leha re ne re kena. A Bakreste ba ke ba be haufi le Wena. A baetsadibe ba fetohé kajeno. Bakudi ba fodiswe. Mme Mmuso wa Modimo o ke o re atamele, kapa esita le ho ba ka ho rona. Hoba re ho kopa Lebitsong la Jesu Kreste, re sa emetse Moya wa Hae ho re fa Mantswe. Amen.

³⁹ Jwale a re baleng Lengolo ho se hokae, etswe... Lentswe la Modimo le lokile kamehla.

Mme jwale, mme e mong le e mong, kea bona le mosa haholo ho ba emeng. Ke bona motho e mong a ema mme a dula, mme a fa motho e mong setulo. Ke ntho e ntle haholo. Eka re ka be re na le sebaka se se ngata, re mpa re se hloka feela, le nakong ya jwale.

Phetlang ho Mattheu 27, mme re tla bala ho tloha temaneng ya 11, mme re tla bua ka theron ena.

Ha e le Jesu a ema pela mmusisi: mme mmusisi a mmotsa, a re, Na o morena wa ba-Juda na?... Jesu a re ho yena, O boletse teng.

Empa leha a ne a qoswa ke baprista le ke bona baholo, ha a ka a araba letho.

Yaba Pilato o re ho yena, Na ha o utlwe ha ba o nqosa hakakale na?

Empa ha a ka a araba lenseswe leha le le leng; mmusisi a ba a makala haholo.

E ne e le mokgwa wa—wa mmusisi ka mokete oo ho lokollela setjhaba motlamuwa e mong, eo ba mo ratang.

Mohlang oo ho bile bo ho le motlamuwa e mong ya tsebjwang, ya bitswang Barabase.

Ha ba phuthehile, Pilato a re ho bona, Le rata ha ke le lokollela ofe? Ha e le Barabase, kapa Jesu ya bitswang Kreste?

Hobane o na a tseba hobane ba mo neetse yena ka mona.

Mme ha a sa dutse setulong sa kahlolo, mosadi wa hae a romela ho yena, a re, o se ke...ba le taba leha e le nngwe le motho enwa ya lokileng: hobane ke utlwile boholoko bo boholo ka baka la hae ha ke lora kajeno.

Empa baprista ba baholo le baholo ba hloholetsa bongata hore ba kope bakeng sa Barabase, Jesu yena a bolawe.

Mmusisi a boela a bua a re ho bona, Le rata ha ke le lokollela ofe ho ba babedi baa?... (E nahaneng feela!) ... Ba re, Barabase.

Pilato o itse ho bona, Mme Jesu ya bitswang Kreste yena ke mo etse jwang na? Mme Jesu ya bitswang Kreste yena ke mo etse jwang na? Mme bohle ba re ho yena, A thakgiswe.

Mmusisi a re, ... o entse bobe bofe? Empa ba totisa ho howa, ba re, A thakgiswe.

Jwale Pilato ha a bona hobane ha a thusetho, le hoba moferefere o ntse o tota, a nka metsi, a hatlela pontsheng ho bongata, a re, Ha ke na molato mading a motho eo ya lokileng: ho iponele lona.

Setjhaba kaofela sa araba, sa re, Madi a hae a be hodima rona, le hodima bana ba rona.

Jwale a ba lokollela Barabase: ha e le Jesu eitse hobane a mo shape, a mo neela hore a thakgiswe.

⁴⁰ Ke setshwantsho se hlomolang hakakang! Thero ke e bitsa hona, ha le batla ho e tshwaya jwalo, kapa ho e bitsa jwalo. Mme mohlomong teipi e tla batla ho rewa: *Jesu Ea Bitsoang Kreste Ke Mo Etse Joang?* Mme temana eo ke batlang ho e sebedisa; hore hoo e be mohlodithero; ke batla ho sebedisa temana, “ka Jesu matsohong a lona.” Ka Jesu matsohong a lona, le tla etsa jwang?

⁴¹ Tema ya rona, hoseng hona, e qala ka tlung ya kahlolo; moo Pilato, mmusisi, a na a bileditswe temeng, ho—ho nka kgato le—le ho diha kahlolo. E ne e le hoseng haholo, pejana tsatsi le tjhaba, mme a tshwenyehile haholo borokong ba hae, mme—mme a bileditswe ho utlwa e—e tseko ya Monna enwa.

⁴² E ne e le nako ya thakgiso ya Morena wa rona le Mopholosi, Jesu Kreste. O ne a—O ne a sa etsa letho, leo ba neng ba ka le fumana ho Yena, mme O na—O na arabile ntho e nngwe le e nngwe. E mpa e le feela hora eo e ne e loketse ho ba jwalo.

Ha ho letho le ka etsahalang ho se letho le le susumetsang ho ba jwalo. Ho loketse ho be le lebaka la ho reng la ntho e

nngwe le e nngwe e etsahalang. Hoba e—e a susumetswa, ehlide, ke—ke moyo o ka hara batho, le ka hara bana ba batho, le jwalo. Ho na le sesosa, sesosa sa yona, le e—le sepheo, mme ho loketse ho ba le lebaka.

Mme lona, lebaka leo sena se neng se loketse ho hlahela Monna enwa e moholo ya kileng a phela lefatsheng, kapa ya ka phelang le ka mohla; lebaka leo e etsahetseng ka tsela ena, hoba e ne e le nako ya hore e etsahale. Le a bona? Ho loketse jwalo, mme ho ne ho se tsela ya ho e phema. Yona, e ne e loketse ho ba nako eo.

Mme Jesu o ne a ttile lefatsheng hantle feela ka moo Modimo o no o lekantse esale pele hore O tla tla ka yona. O entse hantle feela seo Lentswe le itseng O tla se etsa. O phetse bophelo, hantle feela, mme Modimo wa tsebahatsa, kapa wa bonahatsa, Peo ya nako eo. Jwale hopolang, Modimo . . .

⁴³ Bibebe e qala ho Genese mme e ya ho Tshenolo. Jwale thuto eo ke—ke batlang hore le e utlwisise ke ena, hore . . . Le a bona, molokong o mong le o mong ho boletswe, ka Bibeleng, ka ntho e itseng e etsahalang molokong o mong le o mong.

Jwaloka ha Daniele a bone . . . a kwaholla toro ya Nebukanesare; kamoo mmuso wa Baditjhaba o nong o tla kena, le kamoo o nong o tla fela, le kamoo ba neng ba tla tswa. Mme e mong le e mong wa batho bao merabeng eo le ditjhabeng tseo, matla ao a Baditjhaba a di laolang, a ile a laola lefatshe, a entse hantle kamoo pono e boletseng hore ba tla etsa.

⁴⁴ Ha Nebukadnesare, hlooho ya gauta, a ne a nnkuwa, yaba ho kena Bamede-le-Bapersia; le tlhaho ya bona, ho latela e—e mofuta wa sesebediswa, le ho latela se boletseng ke moporofeta, hantle feela. Nebukadnesare, hlooho ya gauta, e leng e moholo ho feta le wa pele wa Mmuso. E ntano ba Bamede-le-Bapersia e leng silifera. Le ho theohela tlase diropeng, tsa—tsa borase. Mme metale o mong le o mong o eketsa ho thatafala le ho thatafala; gauta e leng e bonolo ka ho feta. Mme o fella ka tshepe, e leng e thata ka ho feta ho tseo, ke tshepe.

Jwale, o mong le o mong wa mebuso eo o tla o theoha hantle feela, ka tlhaho, kamoo moporofeta a boletseng hore e tla etsa. Mme o ne a etsa'ng? O ne a jala peo ya ditjhaba di tle di shebe, mme nako le nako ha mmuso oo o ne o kena, o ne o loketse ho sebetsa ho latela kamoo Lentswe le boletseng.

⁴⁵ Mme hape ho be le Messia ya neng a loketse ho kena temeng. Mme yareha Kreste a kena temeng, keha A loketse ho arabela Mantswe ao a Modimo a na loketse ho phethwa, ao moporofeta a buileng ka ona, seo A na tla se etsa.

Moshe o boletse, “E tla ba—E tla ba Moporofeta ya jwaloka nna.” Mme ha le rata . . . re ne re na le nako ya ho bapisa ntho

eo ka ho kgutlela morao le ho bontsha kamoo nakong eo e tshabehang, mohla Iseraele e ne e le kgolehong ka Egepeta, kaha kamoo Moshe a tswetsweng e le ngwana ya makatsang, ya mohlolo; le kamoo a—a hotseng kateng, le ho hodiswa, le kamoo a patilweng dihlahleng; le kamoo e bileng moetapele, a kena dithabeng mme a fumana molao, le ho boela a theoha. Mme e se moetapele feela; empa e le moprista, le morena, le mmusisi. Dintho tseo tsohle, le kamoo hoo ho no ho bapisa Kreste hantle feela. Mme Moshe a re, “Morena Modimo wa lona o tla hlahisa Moporofeta ya jwaloka nna.” Le a bona?

⁴⁶ Jwale, ha Kreste a na tswalwa, Iseraele e ne e le kgolehong ya Mmuso wa Roma pele. Mme E ne e le eng? A tswalwa e le Ngwana ya mohlolo, le ya makatsang, kamoo A hodisitsweng kateng. Kamoo A nyolohetseng dithabeng, le ho kgutla a re, “Le utlwile ba re, ke bao ba mehleng ya kgale, ‘O se ke wa utswa,’ Le utlwile ha ho thwe, ‘O se ke wa feba,’ empa Nna ke re, ya shebang mosadi ho mo lakatsa, o se a febile.” Ra-Molao, le a bona, le Morena, Moprista, Moporofeta, jwaloka yena hantle. Ka hona dintho tseo tsohle di ne di loketse ho phethwa, le mohla sebaka seo se ne se setse mono bakeng sa bophelo ba Messia, mohla seo se ne se netefatswa ka ho phethahala.

Jwale, ena ekaba thuto ya ho qetela e telele eo ke e rutang nakwaneng e seng kae. Ke batla hore le e hlokomele haholo jwale.

⁴⁷ Ha Lentswe le se le boletswe bakeng sa moloko ona o ikgethileng, ho tla hlaha motho temeng ya tla phethatsa Lentswe leo, hoba Modimo o E boletse. Ke netefatso ya Lentswe le builweng. Mme Jesu o phethile tlhoko ka nngwe, mme e ne e le Lentswe, a netefatswa jwaloka Messia, hantle. Hape ho na le Mantswe, a boletsweng Bibeleng, bakeng sa tsatsi la getelo. Mantswe ao a loketse ho phela.

⁴⁸ Mme re mona fumana hore, mehleng ya matsatsi a Morena wa rona, kereke e ne e se e Mo kgesitse le pele A fihla tlung ya Pilato ya kahlolo. Ba se ba Mo latotse, ho qala ka lona tsatsi leo tshebetso ya Hae e ne e qala ho porofeta le ho ba bolella ka Nnete ka Lentswe. Hape, ba sa utlisise hono, kamoo Yena, e leng Motho, a na ka tseba se neng se le ka pelong tsa batho. Le ha nyenyane ba sa tsebe, hore, Lentswe ke Modimo! “Mme Lentswe,” Bibele e boletse, “le senola mehopolo le merero ya pelo.”

⁴⁹ Mme ba batla ho Mmitsa moyo o mobe. Mme A re, “Ke tla le tshwarela hona. Empa mohla Moya o Halalelang a tla etsa hoo, ho bua lentswe kgahlano le Wona ho ke ke ha tshwarelwa hona le ka mohla.”

Le dintho tsena tsohle tseo A di porofetileng ho hlaha tsatsing lena, ho na le ntho e loketseng ho tsosa hono. Empa ha Le tsoswa, Le tla be le fapanie hakana ho seo batho ba

hopolang hore Le sona, hoo etlaba—etlaba Mokgethwa feela ya tla Le bona. Kamehla, ke Mokgethwa feela ya tla Le bona, hobane A kgethetswe le ho tlotsetswa ho Le bona. Ha ho le jwalo, ho ke se kgonahale, ka tsela e nngwe.

⁵⁰ Jesu o boletse, “O ke ke wa tla ho Nna. Ha ho ya ka tlang ha Ntate wa Ka a sa mo hule; mme bohle bao A Nneileng bona ba tla tla ho Nna.” Le a bona? Le a bona? Ka baka leo ho ne ho se mokgwa o mong. O ile a re, “Le na le mahlo mme ha le bone; ditsebe, ha le utlwe.” Ha thwe, “Esaia o porofetile hantle ka lona.” Le a bona? Boporofeta ba Esaia bo a hlahella, bo a bonahatswa.

Le se lebale hono, mona kapa ho momamedi wa teipi, hore Lentswe la Modimo le tshwanetse ho bonahatswa. Modimo o tlamehile ho bona hore Le etsa jwalo.

⁵¹ Jwalo feela kaha Johanne Mokolobetsi a kgethilwe pele ho etella ho tla ha Kreste, ho no loketse ho be le monna ya itseng ya hlahang ya tlatsang sebaka seo. Lentswe leo le loketse ho tlatswa.

⁵² Mme yareha Jesu a tla jwaloka Messia ya tlotsitsweng, mme a etsa hantle feela seo Lentswe la Modimo le itseng O tla se etsa; mme leha ho le jwalo Bajode ba ne ba shebile ntho e nngwe e sele, “Morena ya tla tla ka lere la tshepe letsohong la Hae,” e leng taba e ne tla hlaha tsamaong ya nako kwana. Empa O ile a phetha Lentswe ka leng.

Tsatsi le leng mono Kapernauma, mohla A na nka Lengolo mme a bala, (na le hlokometse?) O badile karolo ya Lengolo leo feela. Mme yaba O bea Buka fatshe, mme a re, “Kajeno hona ho etsahetse.”

⁵³ Mohla a tla bolela selemo sa ngwaha o molemo, jwale, hobaneng A sa Le bala kaofela? Hoba Le lebisa ho Tleng ha Hae ho hong. Ho no ho sa hlokahale hore ba tsebe hono. Ke bakeng sa mongwaha oo mohla A tla kena.

Empa mongwaha oo A neng a le ho oona, ke ka hona A na ka re, “Lengolo lena le etsahala le iponela. Le le bona hantle mona. “Ho bolela sehla se molemo, le ho tlamella ba pelo di robehileng, le ho fodisa ba kulang,” ke seo A se tletseng.

Le setseng la Lona e ne le—e le ho tlisa kahlolo hodima Baditjhaba, le jwalo, ka baka leo hoo ho tla latela. Le a bona, Baditjhaba ba ne ba loketse ho Mo hana, pele.

⁵⁴ Jwale, thakgisong, therò eo re leng ho yona kajeno, ya, “Jesu matsohong a lona.” Lentswe la Modimo le ne le netefaditswe ka ho hlaka, le pakilwe hape le hape, hore E ne e le karabo Lentsweng la Modimo. Moo Bangodi . . .

⁵⁵ Le a bona, Modimo o ne a se a E radile. A tshebeletso ya bodisa e Le hlahlobe. Empa, le a bona, ba nka lentswe la motho mabapi le Lona; sehlopha se itseng sa banna. Ba

foufetse hakana Nneteng, ke hore, ha Nnete e hlahiswa, ba sitwa ho E bona. Empa, le a bona, Modimo o a tshepeha, O se a Le ngotse mono. O se a Le ngotse mono, hantle Bukeng mona, se tla etsahala kajeno, ka hona Le tla phethwa. Empa ba bang ba sa kgethelwang ho Le bona, ba ke ke ba Le bona, le a bona, ba—ba Le ferekanya ka hohle.

⁵⁶ Mme ke Tsela eo ba neng ba Le nkile ka yona mohlang oo. Ba eso ka ba tseba hore E ne e le Yena. Le ka dipontsho tsa hore E ne e le Moromuwa wa nako eo, ho se motho ya ka hanang hono. Moporofeta wa Hae o buile ka yona; o ile a re, “Nna, e ka kgona nna ke kokobele, empa Yena a tle a phahame. Ha ke na le tokelo ya ho lokolla maqhwele a dieta tsa Hae, empa Oeme hara lona jwale,” Johanne o boletse jwalo. “Mme O tla tla. Mme selepe se beilwe motsong wa sefatse; mme difate tse sa beeng tholwana di tla rengwa morung, hono, kapa di tla ntshwa e—e tshimong ya morara, kapa teng—kapa teng tshimong. Se ke ke sa hlola se e ba teng.”

⁵⁷ Jwale, re fumana dintho tseo di etsahetse hantle feela ka moo A boletseng. A kgona ho lemoha mehopolo ka pelong tsa bona. E ne e le moporofeta. Ntho ka nngwe A e boletseng e sa le pele, ya etsahala hantle feela ka moo A e boletseng.

“Ke ya Jerusalema. Teng Ke tla neelwa matsohong a monna ya kgopo. Mme O tla etswa hampe, mme A thakgiswe. Mme ka tsatsi la boraro A tsohe hape.” Empa ho re, “Le itemohe le se bolelle motho hona.” Mme A ba foufaletsa Yona, ba tle ba se ke ba E utlwisia ho fihlela Hono ho phethahatswa.

⁵⁸ Le a bona, ke hangata A re foufatsang ho fihlela hora eo re E hlokang ka yona. O re foufaletsa dintho tseo re di bonang kajeno, hoba ena ke hora eo re E hlokang ka yona, ho netefatsa letsatsi leo re phelang ho lona. Le a bona? Bontata rona ba ne ba sa tsebe dintho tsena. Bibebe e boletse ba ne ba ke ke ba di tseba. A di patile, mme e—e matsatsing a qetelo Le tla senolelwaba ba Modimo; kapa, ho etsa, ba tla bonahatswa, ho tle ho bonahatswe kganya ya Hae le dithoriso tsa Hae hodima lefatshe.

⁵⁹ Le sohle seo Daniele a se boletseng kaha matsatsi a qetelo, le kamoo taba eo, “Bao ba tsebang Modimo wa bona ba tla etsa tse kgolo.” Le Mangolo a mangata hakana a hokanang le letsatsi lena leo re phelang ho lona! Le ka moo bokgopo bona, nako tsa thetso di tla fihla lefatsheng. Mme ke seo re se fumanang jwale se phethahatsa Hona.

Bao, ba ne ba—ba ne ba filwe monyetla wa ho Mmona, mme, empa ba latola yena Messia wa bona.

Mme kajeno ke ntho e tshwanang, yona ntho e tshwanang. Re filwe monyetla, hoba Modimo a ke se ahlole pele ho... kahlolo ya Hae e tla ka toka.

Jwale, ha o ka bolella e—e motho ya itseng ya theohang ka tsela, a palame ka lebelohadi; o no tla ba emisa, o re, “Ho na le e—e sekoti tlase mane tseleng. Ha o tswella ka lebelo leo, o tla bolawa.”

⁶⁰ Mme ba re, “Mepoto, ke tseba seo ke se etsang.” Jwale he, o a bona, madi a ke se be hodima hao, hoba o ba hllokomedisitse ka ho hlaka.

E, Modimo o etsa yona ntho eo ka Lentswe la Hae. O hllokomedisa batho ka ho hlaka ka kahlolo e tlang, le ho bontsha mehlolo ya Hae le meeka e boletseng pele Bibeleng bakeng sa mongwaha oo. O a e bontsha, mme batho ba E tlola hodimo feela.

Ha ho bonolo hore motho a ye diheleng. Motho o fohla ka matla ho ya diheleng. Leshano la pele leo o kileng wa le phetha, wa tseba le ne le le phoso. Sakrete sa pele o kileng wa se tsuba, wa tseba ho ne ho le phoso. Bobe ba pele boo o bo entseng, wa tseba ho no le phoso. Empa letsvalong la hao, la o bolella ho ne ho le phoso, empa ha o phetse ho tlola lebone le lefubedu, ho tlola hodima metero. O bohlaswa. O batla ho e etsa, leha ho le jwalo, ho bontsha hore o thaka le leholo. O a bona? Empa, hopola, o a lwana tseleng ya hao e yang diheleng. Ha ho bonolo ho ya diheleng. O loketse ho hana Nnete.

⁶¹ Pele o hlahelwa ke kotsi, o loketse ho tshela lebone le lefubedu. Pele o hlahelwa ke kotsi, o loketse jwalo, tlase mono tseleng, o fumana e—e dihllokomediso tse beilweng. Empa, wena, o na le mokgwa wa hao ka yona, batho ba na le wona kajeno. Mme o tseba hantle ho feta motho e mong o sele, mme ha a batle ho mamela e—e matshwao le dihllokomediso tsa Kahlolo e tlang, le bao ba latolang Kreste.

⁶² Jwale hlkomelang, le seo ba neng ba se amohetse sebakeng sa Kreste. Jwale le nahane ka kereke ya tsatsi leo, bofofu ba bona. Ba ne ba lahlile mmolai ya tsebahalang, Barabbas. Monna ya neng a pakilwe e le mmolai, mme a emetse kahlolo ya hae ka nepo. Mme a—a pakilwe e le—e le mmolai, mme e le monna e mobe. Mme ka hoba feela hoo—hoo Bophelo ba Jesu . . .

Etswe, Yena, O ile a ba phephetsa. A re, “Ke mang ya Nqosang ka sebe?” *Sebe* ke “ho se dumele.” “Ha ke sa etse mesebetsi ya Ntate wa Ka, le se ke la dumela ho Nna; ha Ke sa le bolella Nnete ya Lengolo. Mme Lengolo le bueletse Nna, ka boLona. Batlisisang Mangolo,” O boletse, “hoba ho Wona le lekanya ha le e na le Bophelo bo sa Feleng, mme ke Wona a Mpakang mongwaheng wona.”

⁶³ Empa ba re, “O Iketsa Modimo. O Iketsa ntho e nngwe.” Ha A etsa letho . . . Modimo o Mo entse Modimo; E ne e le Modimo. E ne e le phethahatso ya Lengolo. Ha A ka Iketsa letho. Modimo o Mo entse seo A na le sona. Mme, hape, ke hoba

e ne e le hora ya hore Lentswe leo le phethahatswe. Ka baka leo, empa ba sa kgone ho Le bona, hoba Le ne le le kgahlano le menahano ya phutheho tsa bona tsa bodumedi, seo ba neng ba se hahile ka Kreste. Mme e ne e foufetse haholo Lentsweng.

⁶⁴ Jwale, mme ka ntle ho moo, ho tlosa Thaka lena, keha ba loketse ho amohela mmolai, mosokedi wa setjhaba, hape. E ne e le nyediso bathong, e le sekgobo ho bona; mmolai! Ba loketse ho amohela hono, hobane, ho—ho lahla Kreste.

Mme pele monna ofe feels kapa mosadi a ka amohela phoso, ba loketse ho lahla ho lokileng. Ho na le ntho e nngwe tlhahong, molao o teng ho yona, ke hore o loketse ho lahla ho lokileng pele o ka amohela ho phoso.

Jwaloka ha ke nnile ka bolela, ho—ho thibela ho bua leshano... O—o buile leshano kgahlano le kahlolo ya hao e nepahetseng. O buile leshano kgahlano le letsalo la hao. O buile leshano kgahlano le seo mmao kapa batswadi ba o rutileng ho se etsa. Kapa, esita le tlhaho ka boyona e ruta hore ha o a lokela ho e etsa. Ka baka leo, ha ho le jwalo, wena, ho latola Nnete, o loketse ho amohela e—e—e leshano, mme o loketse ho lahla Nnete pele o ka amohela leshano. Le a bona?

⁶⁵ Ka baka leo ka moo mathaka ana a sebeditseng kateng, ba ne ba lahlile Nnete. Mme Yena e ne e le Nnete. “Ke Nna Tsela, Nnete, le Bophelo.”

“Lentswe le ne le le tshimolohong, mme Lentswe le ne le le ho Modimo, mme Lentswe e ne e le Modimo. Mme Lentswe le ne le etswe nama mme la bonahatswa ka pela rona.” Ho Thimotea 3:16, “Ruri, sephiri sa borapedi se seholo, hoba Modimo o bonahetsenameng, a tshwarwa ke matsoho a rona.” Modimo, Jehova! Ke—ntho e makatsang haholo, e a nyarosa, ho nahana hore Modimo O theileng e—e—e letsatsi le mahlahana sebakeng, o entseng dinaledi tse fetang ka boholo lefatshe lena ka makgetlo a sekete... .

⁶⁶ Mme ha e nngwe ya dinaledi tseo e ka tla lefatsheng, ka dimaele tse dikete tse leshome ka hora, kgele, ho no tla e nka dilemo tse dimilione tse lekgolo ho fihla mona; ke hole hakalo. Mme dinaletsana tse pedi tse dutseng, eka di arohane ka intjhi, ho tloha mona, di arohane ho feta kamoo rona re leng hole le tsona. Mme, leha ho le jwalo, ha ho le e nngwe ya tsona e seng tulong tsa yona. Mme lethathama le leholo leo, oh, kgidi, bophara le bobatsi ba Modimo O nong o ka etsa dintho tseo! E nngwe le e nngwe e tshwanetse ho tshwara e nngwe. Ke ka hona e dulang ka mokgwa oo e leng ka wona. Ha di ka tswa taalong, tsamaiso yohle e ne e tla wa.

⁶⁷ Mme ke se etsahetseng Edene. Ha Eva a na tswa taalong le melao ya Modimo, morabe wohle o ile wa wa.

Mme ke bona bothata kajeno. Ha re a lokela ho arohana ka mekgatlo le phutheho tsa bodumedi, le tse jwalo. Re loketse ho ba bara le baradi ba Modimo, re tshwere lethathama le leholo la lefatshe mmoho.

⁶⁸ New York, beke e fetileng, ke ne ke mametse ha molaetsa o ne o rerwa, kapa o bolelwa ke Einstein, ramahlale e moholo, ho—ho bitswang boko ba—ba mehla. Mme ke ne ke...ka utlwa ntho eo. Mme ka nto ya mamela Norman Vincent Peale, ka saekholozi ya hae mabapi le ka moo batho ba loketseng ho etsa, kapa ho tsamaya, mme ba itahlele saekholojing.

Hape, kaha Einstein, o ne a bua ka lethathama le ka ntle kwana kahara morero oo mono, ka ntle ho dinaledi. Mme hola motho a ne a ka tsamaya ka lebelo, kea kgolwa o itse, la lesedi...Jwale, ke nahana, ntho eo ke eng,...dikete tse mashome a robedi le metso e tsheletseng? [Moena Neville o re, "Dikekgolo mashome a robedi le metso e tsheletseng."—Mong.] Lekgolo, dikete tse lekgolo mashome a robedi le metso e tsheletseng tsa dimaele ka motsotsvana, tse tsamauwang ke lesedi. Jwale pshatle ntho eo ka metsotso e mehlano, ke dimilione le dibilione tse kae tseo o no tla di fumana. Mme o no o tla qeta e—e dimilione tse lekgolo le mashome a mabedi tsa nako e tsamauwang ke lesedi ho fihla lethathameng leo. Mme hape le lekgolo le mashome a mabedi, kapa dilemo tse dimilione tse lekgolo le mashome a mahlano; dimilione tse lekgolo le mashome a mahlano ho ya, le dimilione lekgolo le mashome a mahlano ho kgutla.

⁶⁹ Mme yaba ba thulana le ntho e ileng ya ba idibanya. Mme bao, hoba o ye mono mme o kgutle, ho no tla o nka dilemo tse dimilione tse tharo ho nka leeto, dilemo tse dimilione tse makgolo a mararo. Dilemo tse dimilione tse makgolo a mararo ho nka leeto, mme, mohla o kgutlelang lefatsheng, hantle-ntle o no tla bo tsamaile dilemo tse mashome a mahlano feels. O kena Bohlolehong. Ha ho pheletso ho Bona.

⁷⁰ Le ho nahana, hore, Modimo Ya bopileng tseo tsohle wa di beha taolong, mme wa bua ka yona, o a theoha mme o ile a etswa nama hara rona, ho re lopolla. Mme a ka re tlota hakana ka Boteng ba Hae ba borena, hoo A—A ka emang mona lefatsheng lena le tletseng sebe matsatsing a qetelo, wa paka hore Lentswe la Wona le jwalo, hoba A tlamehile Lentsweng. Amen. A boholo bo sa lekanngweng le toka ya Eo e moholo Ya tshwereng dintho tseo letsohong la Hae!

⁷¹ Hlokomelang, ditjhaba. E—e kereke e loketse ho lahla Lentswe la Hae, pele. Ere, ka mora hoba kereke e lahle Lentswe la Hae, le ho Mo bitsa "Belsebule, kapa moyo o ditshila," yaba E tliswa pela mmuso, e le hore morabe wohle o tle o tsuwe. Jwale re fumana Jesu, hoseng hona, ka pela e—e

mmusisi, Pilato, Moroma, ho tsekiswa. Mme re fumana hore kereke e ile ya Mo hana, pele, hoba ba ne ba sa dumela Molaetsa wa Hae, hoba ba ne ba sa tsebe Lentswe.

⁷² Jesu o itse ho bona, "Hola la—la utlwa Moshe, le ne le tla dumela Lentswe la Ka, hobane ke yena ya buileng ka Nna." Le a bona? Ke leo Lentswe leo moporofeta... Etswe, e—e Morena o tla ho moporofeta, mme moporofeta o buile Lentswe la hora e tla latela. Mme ke lena moo Le ne tsebahatswa teng, mme wa re, "Le re le tseba Moshe mme ke lesupatsela la lona. Ha le tsebe Moshe, ebole ha le tsebe Lentswe la hae." Ka Mantswe a mang, A re, "Nna ke Lentswe. Ke Lentswe le tsebahaditsweng leo Moshe a itseng le tla tla, mme le a Nqosa." Le a bona? ka baka la neeletsano tsa bona, le a bona, kereke e ile ya Mo ahlola.

⁷³ Jwale, re Mo fumana jwale ka pela Pilato, mme o ne a supilwe ka ho hlaka, hape, ho tsebiswa nako eo, kapa kereke, ka moromuwa wa nako eo. Ba ne ba filwe monyetla wa ho bona le ho dumela, empa ba O nyedisa. Hobaneng ba O nyedisitse? Bongata ba bona ba ne ba batla ho dumela Hono; empa neeletsano tsa bona, e seng batho, empa neeletsano tsa bona!

⁷⁴ Jwale, le a bona, jwaloka ha Nikodema a tlide bosiu, mme a re, "Mong'a ka, rea tseba O moruti ya tswang ho Modimo. Re a tseba O tswa ho Modimo. Ha ho motho ya ka etsang dintho tsena tseo O di etsang ha Modimo o se ho Yena. Re..." "Rona" ena eo a buang ka yona ke mang? Kereke, Bafarisi, baetapele ba tsatsi leo. "Re a tseba. Re kgodisehile ruri hore O Motho eo." Hobaneng ba sa kgona ho e etsa he? Ka baka la, tsamaiso ya bona. Ke batla e thophothele ruri, hoba ke hona moo ke yang teng. Le a bona? Tsamaiso eo ba neng ba se ba ikgomathise ho yona, e le yona eo ba neng ba sa kgone ho e suthisa. Leha ba bone hore Eo e ne e le Messia, empa tsamaiso eo ba ne ba ikamahantse le yona e sa ba dumelle ho Le amohela.

Le—le a utlwisia na? [Phutheho e re, "Amen."—Mong.] Jwale ke batla ho botsa, ho letshwele lena le bonahalang, ke ba bakae ba utlwisisang seo ke buang ka sona? Phahamisang matsoho a lona. Ke hantle.

⁷⁵ Jwale, tsamaiso! Ba Le dumetse, mme ba ne ba tseba hore E ne e le lona. Kamoo nka ratang ho bolela ntho eo kajeno! Re a bona ke eng se loketseng ho ba mona kajeno, mme re a Le bona, empa tsamaiso e ke ke ya ba dumella ho Le amohela. Ba tletse tsamaiso haholo! Le a bona, ha se motho, ke tsamaiso.

Jwalo feela kaha ke boletse ka Mopresidente ya sa tswa fenethwa. E seng monna eo; ho ya kamoo ke tsebang, ke monna ya lokileng, ha etsa letho le lebe leo ke le tsebang. Empa ke tsamaiso. Ha se batho; ke tsamaiso.

⁷⁶ E ne e se Bajode; e ne e le tsamaiso ya bona. Tsamaiso eo e ile ya Mo lahla, hoba Le ne le sa kgeme mmoho le tsamaiso ya bona. Le a utlwisia na? [Phutheho e re, “Amen.”—Mong.] Jwale, dintho tse tshwanang di a etsahala jwale. Mme ba kgetha sera sena sa batho bohole, mmolai.

Empa tlhahiso e se e tshwasitse mmuso. Ka baka leo mmuso o loketse ho diha kahlolo ena, hoba, ho ka tlosa bophelo, taba eo e tshwanetse ho bewa pela mmuso. Ba ne ba sa dumellwa ho etsa hono, hoba ba ne ba le tlasa pu—puso ya Roma, mme ba ke ke ba tlosa bophelo ho sa tsotelehe ke ha kakang kereke ya bona e ne e re, “Re tshwanetse ho e etsa.” Kgele, ba—ba ke ke ba e etsa ntle le hore, pele, Roma e ba tjhaelle ka yona. Ka baka leo, e loketse ho bewa ka pela mmuso. Jwale mmuso o tshwasitswe ke ntho ena.

Jwale, haeba e se setshwantsho sa kajeno, ha ke bone hore ke’ng. Le a bona, hantle feela!

⁷⁷ Kereke e a Le hana, jwale ke mmuso o tshwasitsweng teng. Ho no ho fihlile nako eo setjhaba, sa bona bohole, kaofela, se neng se tlamehile ho tla. Tlhahiso ya etswa. Makgaolakgang a le haufi. Setjhaba sohle se ne se Mo hanne, le ho dihela ha kgalefo ya Modimo hodima bohole. Mme pele... Esita le kereke e ne e Mo latotse, hoo no ho tla dihela kgalefo hodima kereke. Empa jwale setjhaba se Mo latotse, ho dihela kahlolo hodima bohole.

Mme, kajeno, lefatshe le Mo hanne, ho tle ho dihelwe kgalefo hodima lefatshe lohle. Ditjhaba tsohle di tshwanetse ho ahlolwa.

⁷⁸ Mme re a tseba taba eo e hlahile nakong ya mogenerale e moholo wa Roma, Titase. A thibella Jerusalema, mme yaba qetellong feela... Ba jellana bana; ba ebola makgapetla sefateng baa ja, le jwang fatshe. Mme—mme yaba Titase a nto palama mme a kena hantle mme a heletsa marako mme a tjhesa motse, mme madi a pha—phalla diterateng jwalo, moo a na ba bolaetse teng kahare ka mono.

Mme ho ne ho loketse jwalo. Pele Modimo o lokileng o ka dumella batho, bao O ba kgethileng, ho wela tlasa ntho e kang eo, ho lo—loketse ho ba le lebaka le tshwaneleheng. O lokile. Melao ya Hae—ya Hae e qosa toka ya Hae. Mme molao o se nang kotlo ha se molao.

⁷⁹ Ha nka re, ke ne ke beile molao motseng mona, “Ke e—e—e kotlo ho tlola lebone le le fubedu,” mme ho se kotlo ho oona, le ne le tla tshela mabone a le mafubedu hoyahoile. Empa kotlo e loketse ho ba teng.

Mme kotlo ya molao wa Modimo, ho hana morero wa Hae, ke lefu. Mme lefu le ne le loketse ho hlaha, ka hona e ne e loketse ho lefshwa.

⁸⁰ Re eme qosong e tshwanang hoseng hona, lefatshe lohle, tseko. Phutheho tsohle tsa bodumedi di latotse Lentswe. Ke a tseba taba ena e utlwahala e le thata. Mme ke batla baruti ba mametseng, ba leng teng mona le ba lebanteng, le bona, ba leke ho utlwisa taba ena jwale, hore ke leka ho e hlakisa. Empa ke tiile ntlheng ya ka, kapa ke etsa ntlha yaka mona, mme ke re kajeno, re eme, [Moena Branham o kokota makgetlo a mararo sefaleng—Mong.] ka phaposing e nngwe ya kahlolo ya Pilato.

⁸¹ O ka re, “Hola ke ne ke eme mono, ke ne ke tla buella Jesu Kreste.” Mme, e, o etsang ka yona jwale? Ke yona taba. Le a bona? “Ho sa tsotellehe kereke e ne e Mo latotse ha kakang, nka be ke eme le Yena.” O na le monyetla. Ehhe. O a bona? Bao, ba ile ba Mo latola.

⁸² Jwale O a tsekiswa, kajeno, kapa o sa tswa qoswa, mme o qosong, bakeng sa ho bopjwa ha tsamaiso ya lefatshe, e bitswang, lekgotla la dikereke, ho—ho—ho bopelwa ka hara—ka hara Lekgotla la Lefatshe la kereke. Jwale, mme ba entse’ng? Ba voutetse ruri hore ba tla kopana mmoho mme ba be le lekgotla la dikereke.

Mme Lekgotleng lena la Dikereke, moo dikereke tsohle di loketseng ho kena lekgotleng lena, kapa, haeba, ba sa etse jwalo, ha le dumellwe le ho rera, ha le dumellwe le ho rapella bakudi. Mme kereke ya hao e ka sebedisetswa ntho efe feela eo ba batlang ho e sebedisetsa yona. Ha ba batla ho bokella mabokose ka hara yona, kapa dihlomo, kapa e ka bang eng feela eo ba batlang ho e etsa, ha ho kamoo o ka e laolang kateng. O tla ba setho sa Lekgotla la Dikereke kapa o ke ke wa ba setho ho hang.

Mme ke tsamaiso e ntseng e boptjwa mona United States, taba eo e phethahatsa Lengolo, ho fihla botsekeng. E tlatsa seo Morena A mpoleletseng ka 1933, le a bona, mme re eme nakong eo hoseng hona.

Mme Jesu Kreste, Lentswe, o tsekong, kajeno, jwaloka thakgisong mme O matsohong a rona jwale. O matsohong a lefatshe. Lentswe le tsebahaditswe ka ho hlaka, lefatshe ho pota, le a bona, mme O eme tsekong. Phutheho tsohle tsa bodumedu di Mo latotse. Mme jwale O tsekiswa jwaloka... Lekgotleng la Dikereke, mme ba Mo latola hape mme ba ka mpa ba kgetha jwaloka ha ba entse mohlang oo.

⁸³ Le a bona, tlhaho e nalaneng e a iphetha-phetha, hoba tlhaho e tswella ka mokgwa o tshwanang. Difate di tla nne hlaha, mme meroho e tla mela, le dipalesa, mme lefatshe le phikoloha jwaloka ha le ntse le etsa. Ke tlholeho. Mme semelo sa mongwahakgolo ka mong se hlahisa, hape, se boela se bea yona—yona kgadimiso ya e—e—e tlholeho e tlileng pele ho wona. Mme, kajeno, re iphumana re eme hape sebakeng se tshwanang.

Jwale, Jesu e ne e le “Lentswe,” Mohalaledi Johanne, kgaolo ya pele. Re dumela Seo bohle. E ne e le Lentswe. Mme ka hoba E ne e le Lentswe... Utlwisisang hle. E ne e le Lentswe, mme O ne a loketse ho ema kgahlano le tsamaiso.

Mme ha ba—ha ba Mo hana ka baka la mehlolo ya Hae. Ha ba etsa jwalo. Ba ile ba re...O ile a re, “Ke mang ya ka Nqosang?”

“Mme ke bobo bofe boo A bo entseng?” mosajana a rialo. “Ke bobo bofe boo A bo entseng ntle le ho fodisa bakudi?”

⁸⁴ Ha thwe, “Ha re Mo qosetse dintho tsena.” O a bona? “Re Mo qosa ka hoba Yena, e le motho, o Iketsa Modimo.” Homme Mangolo a bona ka sebele a na boletse hore E tla ba Modimo.

Ho Esaia, moporofeta e moholo ya ngotseng Dibuka tse mashome a tsheletseng le metso e tsheletseng tsa Esaia, mme o qala ka...Pele, jwaloka tshimolohong; mme mahareng a Buka ho hlahella Johanne Mokolobetsi; mme o qetella kwana pusong ya Dilemo tse sekete. Le Dibuka tse mashome a tsheletseng le metso e tsheletseng Bibeleng, jwaloka ho na le dikgaolo tse mashome a tsheletseng le metso tsheletseng ho Esaia. Ke ntho e hlollang hore ebe jwalo. Esaia 9:6 ena, e boletse, “Re tswaletswe Ngwana, re neilwe Mora; mme Lebitso la Hae e tla ba, ‘Moeletsi, Morena wa Kgotso, Modimo o Matla, RabosaFeleng, YaMakatsang.’”

⁸⁵ Mme meetlo e foufetseng, kapa ditsamaiso, e ne e sa bone hore eo e ne e le Modimo; ka moporofeta wa bona ka sebele, yena eo Lentswe le tlang ho yena, ya itseng E tla ba Modimo. Ditsamaiso tse foufetseng! Ka baka leo ba ne ba latotse Lentswe, mme ho e-na le hoo ba hlolohela mmolai, Barabase.

⁸⁶ Mme, kajeno, Lentswe, la tsatsi lena le hlakile, le netefaditswe. Le entswe ntho ya sebele. Le supilwe e le Nnete. “Mme matsatsing a qetelo,” jwaloka Jesu a boletse, “jwaloka matsatsing a Sodoma,” le jwalo, “ho tla ba jwalo le ho tleng ha Mora motho.” Wona Modimo, ka boWona, E neng e le Lentswe, o lekantse e sa le pele nako ya qetelo le se neng se tla etsahala; mme Masedi a ne a tla tjhaba nakong ya mantsiboya; le kamoo, Malakia wa 4, O na tla romela dintho tsena le ho di paka.

⁸⁷ Mme e beiloe sebakeng sa qeto, mme dikereke di Le hanne. Mme dikereke di hlolohetswe eng? Mmolai wa Lentswe, yena ya nkang tsamaiso. Haeba tsamaiso e le kgahlano le Lentswe, etlabo ke mmolai ho Lentswe. Mme ba lakaditse neeletsano ya phutheho ya bodumedi, bakeng sa Lentswe la sebele le bonahatswang le ho kgodisa hore Ke Modimo hara batho; ka mahlale, ka ditshwantsho, Lesedi, lona Lengeloi la Morena, Topallo ya Mollo.

Yena ya phetseng lefatsheng mona ka hara—ka hara mmele wa Jesu Kreste, o dutse hodima batho ba Hae matsatsing a qetelo, moo mahlale a nkileng setshwantsho sa Yona. Kereke e bone mesebetsi ya Yona. E tsebahaditswe ka ho hlaka, ka mabanta le ntho e nngwe le e nngwe, ho potoloha le ho potoloha lefatshe, le ho rera ka seqo.

Mme leha ho le jwalo, dinthong tseo tsohle, tsamaiso tsa bona di hlohelwa Lekgotla la Dikereke ho qosa Nnete. O a bona? Ho hlolohelwa mmolai ya tla kwala, kapa ho thodisa, kapa ho kgina. Mme, e tla etsa seo, ba tla kgutsisa Ntho e kang eo. Mme Lekgotla la Dikereke di tla lokela ho etsa hono. Ke leo letshwao la sebata; kgahlano le Lentswe, e leng Kreste. Empa e seng ditshwanel....

⁸⁸ Ba nahana hore ke moetlo. Ba nahana hore meetlo ya bona ke ya Modimo. Le a bona? Empa ha e emelane le Lentswe, mme le jwalo Modimo ha e netefatse e le nnene. Jesu o na eme le Lentswe, empas e seng le lekgotla la bona; empas le Lentswe. Mme Lentswe le kgodisitse hore E ne e le Modimo.

Mme Le a paka kajeno hore Ke Modimo, hoba Le phela Bophelo bo tshwanang, Le sebetsa hara rona ntho e tshwanang le eo Le e entseng morao mane, le ho bolela esale pele.

⁸⁹ Ka baka leo ba etsa'ng? Ba amohela ntho e nngwe e....Ba amohetse, ba se ba entse jwalo, yona tsamaiso e tla thakgisa Hono. Mme thakgiso ya phutheho ya bodumedi e lokolohileng e sa kgeseng seng e atametse. Ke hantle.

⁹⁰ Jwale, taba eo ha e thulane le Mangolo. E kgema le Mangolo. "Mme ba etsa setshwantsho sa sebata." Ho kopanya phutheho tsa lefatshe tsa bodumedi ka hara Protestanta e le nngwe, ho etsa letshwao la sebata, setshwantsho sa sebata, ho latela Ditshenolo 13:8. "Mme ba etsa setshwantsho sa sebata."

Sebata ke "Roma." Bohle re tseba taba eo. Empa haesale e le Roma, hohle....Ho ka ba jwalo jwang—e ka ba Rashiya jwang, hodima Bibebe e re Roma? Le a bona, batho ba mpa tlelwa ke mohopolo o fosahetseng feela. Le a bona? Ekaba ntho e nngwe e itseng jwang, athe ho lekantswe pele hore se loketse ho tswa Roma?

⁹¹ Kgutlelang ho Daniele hape, tshepe le letsopa maotong; tshepe ha e a ka ya kgaotsa, ho qala mangoleng ho ya fihla qetellong. Mme mang le mang o a tseba hore ho no sa tsejwe letho ka Rashiya mehleng eo. E ne e le Roma. Drakone e kgubedu e ne e le Roma. Haesale e le Roma. Mme tshepe eo ha e a ka ya fetohela nthong e nngwe eseles, ho tlaha ho Roma ho ya nthong e nngwe eseles; esale e le Roma. Mme sebata ke Roma!

⁹² Mme Roma e ne na le tsamaiso ya bodumedi eo hlooho ya yona e kotsi...kapa leqeba la yona le e bolayang hloohong ya

yona, empa ya tsosoloswa hape, ho tswa ho Roma ya bohetene ho ya ho Roma ya mopapa. Mme jwale ba se ba tla etsa setshwantsho sa yona sa sebata, ho tswa ho sebata se hlahang ho Ditshenolo 13.

Na le kile la lemoha le ka mohla? Setjhaba sena se filwe palo ya leshome le metso e meraro, mme se hlahella... Ha ke re sena ke... Ho a—ho a makatsa, leha ho le jwalo, hore e ka etsahala ho latela dipalo, di... hantle feela ka tatellano ho latela Lengolo. Se fumanwa kgaolong ya 13 ya Dithsenolo, setjhaba sena.

⁹³ Dibata tse ding tsohle di tswa metsing, e leng bongata le matshwele a batho, Bibebe e boletse jwalo; empa sebata sena se se nyenyane se tswa lefatsheng, moo ho ne ho se na batho. Leha ho le jwalo, e ne e le konyana, tokoloho ya borapedi; sa nto bua jwaloka drakone, mme sa ipopa mmoho ka matla mme sa etsa tsohle tse entsweng ke drakone pele ho sona. Ruri. Ka baka leo ke moo he. Ho—ho loketse ho ba jwalo feela. Ha ho mokgwa wa ho e pota ka thoko.

⁹⁴ Mme ke rona bana, kajeno, ho bopa tsamaiso. Tsamaiso! Re ke ke ra ema ho fihla... Re lekile ho etsa motho ka mong ebe e—e moLuthere; mme ha ba kgona ho e etsa. Ho etsa bohole ebe Baptise; ha rea kgona ho etsa hono. Bohle ebe Methodise, kapa bohole Pentekosta; ha ba kgona ho etsa hono. Ka baka leo, ho laela hore ho etswe sena, nako e kgutshwane haholo, ba entse lekgotla, hlooho, setshwantsho sa sebata. Ke hantle feela seo ba se entseng. Mme ke'ng? Thakgiso ya Lentswe, hape, e haufi. Le dutse tsekong mme kapele le tla fihla fatshe.

⁹⁵ Elellwang, Lentswe le bonahaditsweng, hole le phuthehong tsa bodumedi. Le a bonahatsa. Pha—phapang ya Lentswe le phutheho ya bodumedi.

Hona ke eng, tsamaiso ee ke eng? Ke sethelaete ya Roma. Na Bibebe e itse etlaba ntho eo? E, monghadi! Tshenolo 17, ba bone Roma e itlhahisa ka boyona ka tsamaiso ya bokereke, ya mosadi. Mosadi, kamehla kereke e tshwantshwa ke mosadi.

Hoba, Monyaduwa wa Kreste ke mosadi. Eva ke yena ya weleng; mosadi ke Yena ya tla lopollwa. Mme Kereke (ke eng?) ke mosadi ya lopolotsweng.

⁹⁶ Mme mosadi enwa a dutse hodima sebata se nang le dihlooho tse supileng. Mme re tseba kaha maralla a supileng, le tse jwalo, jwaloka Bibebe e boletse hore ho tla etsahala. Ha ho phoso. Ha ho monyetla wa phoso. Le a bona?

Mme elellwang he, re fumana hore, e ne e le “MMA DIOTSWA.” Le a bona? Mme mme le moradi ba kopana setswalleng mmoho hape. Moo, ka nako e nngwe, moradia baleha lapeng hole le mme, ho leka ho phela ka boitshwaro, hoba mmae a ne a le makgobotho a le mamphe-mphe hoo

ngwanayana a ileng a ngala hae. Hehhe. Empa jwale, ho tloha a le dilemong nakwana, yena, mme a etse dintho tse mpe hakana, ka boyena; o bona mmae, o nahana hore mmae o na lokile, ka baka leo o etsa tsamaiso ya hae ka boyena. Le a bona? Ruri.

⁹⁷ Ho kopanya phutheho tsa bodumedi, Boprotstanta, ho phethahatsa hantle seo Lengolo le se boletseng ka Tshenolo 17. “Bohle, bao mabitso a bona a na sa ngolwa Bukeng ya Bophelo ya Konyana, e ne e le ba mosadi.” Ntho ena kapa yane, sebata kapa setshwantsho sa sebata. Bibebe e itsalo.

Mme Jesu o buile ka taba ena, e seng jwaloka bokomonisi. Empa ho Mattheu kgaolong ya 24, ho qala ka temana ya 21 ho ya ho 26, O lekantse pele hore moyo o ka hara tsamaiso ena o tla tshwana le ntho ya sebele hoo o ka thetsang le bona Bakgethwa hola ke ntho e ka etswang; Bakgethwa, bao mabitso a bona a ngotsweng Bukeng ya Bophelo ya Konyana pele ho thewa lefatshe. Mme, hantle-ntle, e ba tlammekha thata ha kana, ho fihlela A itse haeba A sa kgaole mosebetsi ha kgutshwane, ka baka la bona, ho ke ke ha e ba le nama e tla bolokeha hodima lefatshe. Mme re saletswe feelsa . . .

⁹⁸ Ena ke—ena ke ‘64, ha ho jwalo? Mme ke nahana ba re dilemo tse leshome le metso e supileng di a haella mono, jwalo, ho latela alamanaka. Mme re na le ‘64, 1964, hoo ho tla etsa (hoo ke eng?) ho setse dilemo tse mashome a mararo le metso e tsheletseng, ho fihla mongwaha-kgolong wa mashome a mabedi le motso o le mong.

Mme dilemong tse ding le tse ding tse dikete tse pedi, lefatshe le ile la fihla pheletsong ya tsamaiso ya lona ya lefatshe, tsamaiso ya borapedi, pheletsong ya ditsamaiso tsohle, mme Modimo a tlameha ho kena. O ho entse matsatsing a Noe; dilemong tsa pele tse dikete tse pedi. Dilemo tsa bobedi tse dikete tse pedi; tsamaiso e kgutshwane hape moo thero ya rona e hlabang mokgosi teng, hoseng hona, mme Wa romela Lentswe la Wona hape. Wa romela Lentswe la Wona ka moporofeta, nakong ya Noe, moporofeta Noe; mme batho ba Le latola, bakeng sa tsamaiso ya bona. Wa romela Lentswe la Wona hape nakong ya Jesu, Lentswe le bonahaditsweng botlalang; batho ba Le hana. Mme jwale ke 1964, ho setse dilemo tse mashome a mararo le metso e tsheletseng ho ya fihla dilemong tse ding hape tse lekanang tse dikete tse pedi; mme Lentswe le hlahisitswe, mme tsamaiso e Le hanne.

⁹⁹ Re atametse hakakang? E ka ba morao ho feta kamoo re nahana, le a bona, e ka hlahna nako efe kapa efe. Mohlomong e se e etsahetse, sohle seo re se tsebang, jwaloka ke buile Sontaha sa ho feta ha ke ne ke le mona. Mohlomong lebitso la ho qetela le ne le le Bukeng eo; ha hoo ho etsahala, ha ho sa na ba tla kena kahare. Lefatshe le tla tswela pele jwaloka le

tlwaetse, empa Kereke e tiisitswe. Hlokomelang jwale re sa tswela pele mona. Mabitso a bona, jwale, a ke ke a thetsa bao mabitso a bona a ngotsweng teng.

¹⁰⁰ Ke eng? E loketse ho ba tsamaiso. Le a bona? Mme le nahane feelsa, ho ba setho sa phutheho eo ya bodumedi, o etsa'ng he? O entse'ng kae? O se o tshwaetswe ka ntle, o a bona, ho tloha Lentsweng, ho ea tsamaisong e bolayang e fokotsang, "Ya ho ba le seboleho sa borapedi, empa e latolang Matla a jona." Ke letshwao la sebata. Ruri. Le a bona?

¹⁰¹ Ke sebata hodimo mono, seo a se entseng; mme setshwantsho ke sena, ntho e tshwanang. Mme sebata se le seholo hakana, se entseng kereke e kgolo eo e ka lefatsheng lohole mane Nicaea, le a bona, hoo ba entseng hore lohole—lohole lefatsheng le kene nthong eo, tsamaisong eo e le nngwe. Mme ba nahana hore e ne e le kgolo hakana, "Ho se motho ya ka lwanang le bona," Bibebe e boletse, ba ba ba etsa setshwantsho sa sebata, mme ba kenya Maprotestanta wohle Lekgotleng la Dikereke; le ileng la etsa tsamaiso, moo o no sa nnkuwe o le Mokreste kapa ntho efe feelsa pele o e-ba setho sa tsamaiso eo.

¹⁰² Ho na le phapang pakeng tsa letshwao la sebata le ho Tiiswa ke Modimo. Modimo o tiisa ka Lentswe la Wona. Le a dumela hore Lentswe ke lona? [Phutheho e re, "Amen."—Mong.]

Jwale le re, "Na ho jwalo, Moena Branham?" E, monghadi.

¹⁰³ Jwale, kea tseba lona Masabatha, kapa maSeventh-day Adventists, le re, "Ho boloka tsatsi la Sabatha." Empa ha se yona. Ha se ho kgohlala ho lona, empa eo ke ntho e sa yeng ka mangolo ruri.

Baefese 4:30, e re, "Le se ke la swabisa Moya o Halalelang wa Modimo, oo le tshwaileng ke wona ho fihlela tsatsi la topollo ya lona." Le a bona?

¹⁰⁴ Jwale, Moya o Halalelang ke Lentswe. Modimo ha ba bararo. Ke Modimo o le mong makgatheng a mararo, diofisi tse tharo. Modimo, Ntate, hodima molao; Modimo, Mora, mohaung; le Modimo, Moya o Halalelang, jwaloka le O bitsa, Modimo o le mong lekgatheng la Moya o Halalelang. Modimo, Ntate, e ne e le Lentswe; Modimo, Mora, e ne e le Lentswe; le Modimo, Moya o Halalelang, ke Lentswe. Le a bona, e mpa e le diofisi tse tharo. Mme, hape, rona . . . Mme Moya o Halalelang o a le tiisa, ka baka leo le tshwailwe ke Lentswe.

Jwale o re, "E, ke tshwailwe ke . . ."

¹⁰⁵ E, jwale he, e a itsebahatsa. Le a bona? E a paka. O ke ke wa ba setho sa tsamaiso, mme wa tshwauwa ke tsamaiso le Lentswe, o a bona, hoba e kgahlano, e nngwe ho e nngwe. O ke ke wa kgona. Ho lokile.

Jwale re fumana, hore, matjhine a maholo a dihlomo tsa motjhini, dihlomo tsa matjhine motjhini o moholo, hoo ke ho . . .

Matjhine, a na le . . . koloi, e na le dipistini, divelefe, le khabareitara, le tse jwalo. Hoo ke—hoo ke dihlomo tsa motjhini.

¹⁰⁶ Ke rata ho borella Kereke ntho e nngwe hona mona, e fihang mohopolong wa ka. Le a bona, ke sona seo e leng . . . Ke kgolwa ha re le haufi hakale le qetelo, ke—kea ke tlilo bua ntho e nngwe jwale. Le a bona? Le a bona? Di—dihlomo tsa motjhini, ho na le batho ba bangata hakana ba lekang ho hhalosa dihlomo tsa motjhini athe ha le tsebe hono. Le a bona? Ntho feela eo le . . . Mme, le a tseba, le loketse ho e tseba. Dihlomo tsa motjhini di a tsejwa. Jwale ho ka thweng hola Moshe . . .

Hola motho a na ka re, “Noe, ke batla o hhalose di—dihlomo tsa motjhini kamoo areka e phaphamalang. Ho jwang mono?” O ne a ke ke a kgona.

Ha le a tlameha ho tseba dihlomo tsa motjhini; ke Matla a Wona feela. Le a bona, Matla ke yona ntho eo le batlang ho e tseba.

“Jwang?” Hantle, haeba motho a e tla ho Israele, mme a re, “Bolela, Moshe, ke batla ho utlwisia. O kgonne jwang ho bopa diphoofolo ka lentswe la hao ka sebele?”

¹⁰⁷ O itse, a re, “Ha se lentswe la ka. Ke Lentswe la Modimo. O mopoleletse ho etsa hono.” Le a bona?

¹⁰⁸ “Ke—ke—ke . . . Mpolelle, ntlhalosetse kamoo o tlisitseng dintsintsi hodima lefatshe, athe ho ne ho se letho, dintsintsi tse ngata hakalekale lefatsheng.” Le a bona? Moshe o ne a ke ke a kgona ho e hhalosa, ka boyena. Ha le a tlameha. “O entse jwang hore moyo wa botjhabela o hlahe mme o phunye lesoba ka pudulo hara Lewatle le Lefubedu, mme rona bohole re bile ra o latela mobung o omileng. Hhalosa dihlomo tseo tsa motjhini. E ne—e ne—e ne e le eng—ke—ke—ke tsamaiso efe eo o e sebedisitseng, Moshe? Ke’ng? Mpolelle phuputso ya mahlale ya atomo eo o e lokolotseng.” Le a bona? Le a bona?

¹⁰⁹ O ne a sa a tsebe. Yena, e, o na sa tsebe dihlomo tsa motjhini; a tseba matla feela. Mme—mme ke wona mokgwa.

Nke ke ka o borella kamoo ke phelang. Nke ke ka o borella kamoo o phelang kateng, empa o a phela. Nke ke ka bolela kamoo pelo ya hao, le dijo tsa hao di kenang kahare mme di etsa madi. Le ho nka wona—wona matla a dijo tseo, mme—me di kene leboteng leo la boraro la tselana ya mala le ho di fetolela mading a bophelo hape, le ho a nyolla a phalla jwaloka ho wena. Ke—ke nke ke ka hhalosa hono, empa a etsa hono. Le a bona, a etsa hono. Ke—ke nke ke ka hhalosa hono. Ha ke tsebe dihlomo tsa motjhini. Ke matla.

¹¹⁰ Jwale, mohlomong Moshe o na ka tseba dihlomo tsa motjhini, empa e ne e se sebaka sa motho e mong o sele ho utlwisisa ntle le Moshe. Ba tseba hore e sebeditse, mme hoo ho a kgotsofatsa. Hobane'ng batho ba sa kgotsofale ka tsela eo kajeno? Le a bona? Motho e mong le e mong e ne ke ke ya ba Moshe. Ho e na le Moshe a le mong feela. Ba tsebile feela hore ke taba ya Modimo. Ba bone hore e ne e le taba ya Modimo.

Mme ba latela jwalo mme ba etsa hantle ho fihlela ba qalella ho e botsa, ba batla ho hlahisa motho e mong o sele ya etsang ntho e tshwanang, Kore, Dathane. Mme eitse ha ba fumana motho e mong ya ka kenyang qopitsa tsa ho reng tsa nama, qetellong Modimo wa re, "Ikgethe. O se kenelle tsamaisong eo ya mokgatlo. O a bona, tswa ho yona! Ke tla e metsa." Mme Wa ahlamisa lefatshes mme wa o metsa. Le a bona?

¹¹¹ Ha le tsebe, ha le a tlameha ho tseba dihlomo tsa motjhini. Haese feela ho tseba matla, ntho e o futhisang, e etsang hore ebe nnete, mme o shebe hore na e otla tekele eo Bibele e itseng e tla e otla tsatsing lena. Le a bona, ke Lentswe hape, morao Lentsweng.

¹¹² Jwale, matjhine a maholo a beilwe jwale, mme a itokiseditse ho tsamaya. Dihlomo tsa motjhini di se di le teng mono. Ba se ba e na le tsamaiso ya motjhini ya mokgatlo e tla tlisa, lefatsheng, "kgotso," ba rialo. Ba na le...jwaloka U.N.

Ditjhaba di kopane hammoho. Ke nako ya kopano. Ke sa tswa rera ka yona, haufi. Yona...Ba kopana hammoho, ho tlisa eng? Kgotso ya lefatshes. Ba ile ba etsa hono ho League of Nations. Haesale ba etsa hono, mme le ka mohla ha e sebetse. E ke ke ya sebetsa. U.N. ha se letho haese balunu e kgolo ya rabara e iswang kwana le kwana ke moyo wa thuto ya setjhaba se seng le se seng. E ye e phatlohe mme e pshatlehe nthong e nngwe le e nngwe. E ke ke ya sebetsa.

Le jwalo Kansele ya Dikereke e ke ke ya sebetsa. Ke mokgatlo ka motho, kgahlano le tsamaiso...kapa ka tsamaiso ya bona kgahlano le Lentswe la Modimo, mme e ke ke ya sebetsa. "Ba babedi ba ka tsamaya mmoho jwang ba sa dumellane?" Le ke ke la kgona. Mme Kereke ya Bokreste e ka kgona jwang, e tla lokela ho...

¹¹³ Ma—Mapentekosta, maAssemblies of God, le bo-bo dikereke tse ding tse kgolo tsa-tsa mmuso wa Pentekosta, le tsa batho ba Full Gospel, ke ha jwang ba ka telang thuto tsa bona tsa boevangedi, yona melao eo esale ba eme hodima yona? Le moo ba holetseng teng, ho tswa mekgatlong eo mme ba e ahlole; mme ba loketse ho tela thuto ya bona ya boevangedi, ho tsamaya le monna ya sa dumeleng melaong ya Bibele, le Phodiso ya Kgalalelo, le Matla a Modimo, le Jesu Kreste. "Ba babedi ba ka tsamayang jwang ba sa dumellane?"

¹¹⁴ Ke moo he, ke yona hora eo re fihlileng ho yona, mme ke wona motjhini o moholo o beilweng. Jwale ba na le dihlomo tsa matjhine. Ntho eo ba loketseng ho e fumana feela ke Satane ka hare ka mono, ka matla, ho susumetsa letshwao la sebata. Mohla o susumetswang, jwale matla a tla sebetsa. Dihlomo di teng mono. Ba se ba na le tsona.

¹¹⁵ E re ke bolelle ntho e nngwe, hape; nako ena ya kopano, ho bona dikereke di kopana, ditjhaba di kopana. Ke nako ya Modimo ya ho kopana le Monyaduwa wa Hae, hape. Mme ke bua taba ena ka tshabo le hlompho. Ke dumela hore Monyaduwa wa Kreste o bitsitswe. Ke dumela O tshwaetswe kahara Mmuso wa Modimo. Ke dumela hore dihlomo tsa motjhini di teng mono. Ba emetse Matla a tla Mo tlosa lefatsheng, ho kena Kganyeng, Thlwibilon. Ke e dumela ka pelo yohle ya ka. E, monghadi. Ha re tsebe O tla etsa hono jwang, empa O tla e etsa.

Yena ke Matla. Re mpa re fetoha ditho tsa matjhine, tsa Mmele wa Hae, ho bopelwa ka borona setshwantshong sa Hae, le ho Mmona a Ikopanya le rona, mesebetsing ya Hae, hammoho le dimpho tsa Hae tsa lerato, A sa re fa tsona pejana ho Selallo sa Lenyalo feela. Mme re lebeletse, re shebeletse hono.

Kereke ya bona e kgolo, le yona, e a kopana.

¹¹⁶ Matla a Kereke ena etlabe le ho tlatswa botjha nakong eo ka Moya o Halalelang moo rona re sebeditseng ka tekanyo e nyenyane Lejwe la sehlooho le ntseng le theoha ho kopana le Mmele. Empa ha Hlooho eo le Mmele di kopana mmoho, matla a tletseng a Moya o Halalelang a tla Mo phahamisetsa hodimo hantle feela ka mokgwa oo; esita le bafu, ba shweletseng ho Kreste, dilemo tse makgolo tse fetileng, ba tla tsoha tsoha ka botle ba kgalalelo ya Hae, mme ba fofele sebakeng. Matla ke Moya o Halalelang.

¹¹⁷ Mme jwale matla a lebotho lena le leholo leo ba le hahileng, motjhini ona o moholo ka tsatsi le leng o tla sebetsa kanseleng e kopaneng ya World Council of Churches, e tla etsa kgatello, le teng. Hopo... empa hopolang...

O ka re, “Mohla ntho eo e etsahalang...” Etlabe e le morao haholo ho wena mohlang oo. O so le kahara wona. E leng hore o batla jwalo, kapa tjhe, o se o le mono. Le a bona? Lemohang, moyo oo o se le hodima hao.

¹¹⁸ Tsatsing leo e—yona e—meya ya Moya e fokang e tswa botjhabela, leboya, bophirima, le borwa, ho hatella batho ho tswa teng, le ho bontsha batho!

Ke ka hona ke bileng kgahlano le tsamaiso eo hakana. Ke bone ho e-na le ntho e nngwe mono, lefifi. Jwaloka ha ke bone

basadi bao kamoo ba neng ba rwetse dintho tseo sefahlehong sa bona, ke le boleletse Sontaha se fetileng, ke tsebile ho ne ho e-na le ntho e tlang.

¹¹⁹ Hobane'ng esale ke le kgahlano le ntho e kang eo? Ke ne ke sa tsebe; ke a e tseba jwale. Hobane'ng esale ke le kgahlano le bodumedi bo hlophilweng? Ke ka hobane (ke a e bona jwale) e le letshwao la sebata. Le a bona? Ha ke eso bue taba eo haese feela ho fihla dibeke tsa ho qetela tse mmalwa. Le a bona? Jwale, ka mora dipolotiki tsa kereke, eba jwale ho etsala'ng? Hoba Lentswe le netefatswe ka nnete?

Jwale, shebang, qetellong e fihlile sebakeng seo ho loketseng ho ba le tharollo. Kgato ya bona e latelang jwale e ne e le ho . . .

¹²⁰ Jwale kgato e latelang ya Bajode hoba kereke e Le latole e ne e le efe? Kereke e ile ya latola Lentswe. Ba sa batle ho amana le Lona. “E ne e le moyo o mobe.” Le ne le tseba mehopolo e ne le ka pelong tsa bona. “E ne le mmpe.” Leha ho le jwalo, E ne e le Lentswe. Mesebetsi eo A e entseng, e ne e paka ka Yena, ya netefatsa hore E ne e le Mang. Ba ne ba sa batle ho amana le Lona ka letho.

Yaba, ntho e latelang, ya fihla ho mmuso. Mme ena ke kereke ya mmuso, hoba ditjhaba tsohle di kenyeditswe teng. Mono ke setjhaba sa bohetene se neng se laola setjhaba sa borapedi. Jwale, ke yona, ntho yohle ke borapedi, ka baka leo e tshwanetse ho fihla borapeding ba lefatshe.

Oho, kgidi, monna ya foufetseng o ne a ka bona taba eo! Mme monna wa sefofu o reng ha a bona see? Ha a e bona, o tla tswa bofofung ba hae.

¹²¹ Lemohang mono ha lekgotla lena la lefatshe le teana mmoho, “Jesu enoa ea bitsoang Kreste eena re mo etse joang?” Ruri ha ba batle ho amana le Lona ka letho. Ka baka leo ho na le ntho e le nngwe feela e ka etswang, he, hantle feela seo ba se entseng mohlang oo, ba tla Le thakgisa, ruri, ho Le thodisa. “Le ke ke la hlola le eba teng hape. Le ke ke la dumellwa ho etsa hono.” Matla a borapedi ba ditjhaba a ke ke a ba dumella ho e etsa hape. Thuto e tswellang e kang eo mona, le dintho tse kang tseo, di tla kwallwa ka ntle ka ruri. O ke ke wa kgona ho se thasiseletso e tswang ntlokogolo, hloho ya kereke, le a bona, setshwantsho sa sebata. Oh! Re fihlile mona, ke phetho. Re—re—re se re fihlile.

Le ho netefatswa ka nnete; kgato e latelang ke ho Mo thakgisa.

¹²² Ho a tshwana le jwale, ho etsa hore bohole ba sa kopaneng le bona, ba tla kwallwa ka ntle mme ba sa dumellwe ho rera, le a bona. Hoo ho thakgisa, ka botjha, Lentswe le netefaditsweng la tshepiso. Ho le kgutsisa, “Ha le sa dumeletswe ho e tshwara.

Ha ho sa na ditshebeletso tsa phodiso. Ha ho sa na thapello tsa bakudi. Tjhe, monghadi! Le ke ke la kgona ho etsa jwalo. Tjhe, ha ho letho la sena. Tjhe, monghadi! O tla feta ka Lekgotla la Dikereke kapa o ke ke wa e tshwara ho hang.”

¹²³ Jwale le ka bona hobaneng ke le kgahlano le bodumedi ba diphutheho, hoba ke letshwao la sebata. Roma ke hloho ya bona, ya pele. Ke hantle haholo. Mme se etsa hore bohole ba le amohele ba le nke ka ho ikopanya le baradi, seo ke setshwantsho. Mma yona o entse ntho e tshwanang. Ke hokae moo Roma e hlophisitweng pele? Borapedi ba pele ho hlophiswa lefatsheng ke bofe? Roma e Katholike. Motho ya nang le puo e reng ha ho jwalo, e re ke e utlwe. Ha e yo mona. Mokgatlo wa pele, kereke ya pele e kileng ya hlophiswa, e ne e le Nicaea, Roma. E, monghadi. Mme ke seo ba ileng ba se etsa hantle.

¹²⁴ Mme Luther o ile a etsa'ng ka mora lefu la hae? Ba etsa yona ntho e tshwanang le eo ba e entseng Nicaea, Roma. Ba ile etsa'ng ka mora Wesley? Ba ile ba etsa'ng ka mora metsamao ena yohle e meholo e hlahileng? Ba etsa ntho e tshwanang, ba etsa etsa baradi ba sehlola, hantle fellal ka ho phethahala. Jwaloka, ka ntho e tshwanang, re fumana mona hore . . .

¹²⁵ Ke ne ke ngotse Lengolonyana mona. Mohlomong ho ka ba molemo ha nka le tlola. Empa, mme bonang, ba e-na le . . .

Ho hlophiswa ha kereke ho kopantse tsamaiso yona eo mmoho kajeno. Ntho feela eo ba e hlokang ke matla a yona, ntho e le nngwe feela e tla e kenya matleng. Mme ho tla fihlelwa makgaolakgang hang-hang.

¹²⁶ Kereke ya Katolike le dikereke tsa Maprotestanta etlaba metswalle. Ke le boleletse hono esale—ha esale ho tloha, dilemong tsa ho qetela tse mashome a mararo le ho hong ka thoko. Di tla kopana hammoho. Mme le bona hantle seo ba se etsang jwale. Yona—yona Protestanta e ke ke ya fetoha Katolike le ka mohla, empa di tla kopana setswalleng sa bona, letshwao la sebata, se tshwanang le sebata.

¹²⁷ Ka ditsela tse kang tseo mme, Eva, a bodisitseng lefatshe lohle ka lefu la nama. Mme, Eva! Mamelang. Mme Eva o bodisitseng morabe wohle wa batho, ka lefu la nama, (jwang?) ka ho hana Lentswe le ho amohela ntho e nngwe e batlang eka Lona. O hlahisitse lefu lohle la nama hoba a ile a tlohela Lentswe la nnete, mme a dumela Lentswe lohle la nnete ntle le nthwana e nyenyane feela. Ho se dumellane ho ho nyenyane le Lentswe le tletseng la Modimo ho bakile hlooho e nngwe le e nngwe e opang, lefu le leng le le leng le kileng la hlaha lefatsheng. Eva ke yena ya e entseng, mma lefu. Jwale na le bona moo re fihlang teng? Mma lefu, elellwang, a sitwa feela ho dumela Lentswe.

A re, “Modimo o itse . . .”

Satane a re, "Ho lokile."

"Modimo o itse . . ."

"Ho lokile."

"Modimo o itse . . ."

"Ho lokile . . ."

"Modimo o itse . . ."

¹²⁸ "E, hono, ke hantle haholo. Ka—ka mokgwa o itseng, ho lokile, empa, o a bona, hoo—hoo—hoo ha se ho fela ha Lona. O a bona, o tla—o tla buleha mahlo, o tla ba . . ."

Empa Modimo o itse, mme ho dutse ho le jwalo, Lentswe! [Moena Branham o phaphatha Bibebe ya hae—Mong.] Le a bona, e qadile ka tshokamiso e nyenyane feela ya Lentswe, mme, ntho e tshwanang, e qetella ka tsela e tshwanang.

¹²⁹ Lemohang, moradi ke sebewa sa mme le ntate, ka kopano. Jwale ntho e nyarosang ke ena. Empa lefu, la nama, lefu la nama ke kopano ya mme Eva le Satane, mmoho, ka ho se dumele Lentswe la Modimo. Ba ile ba kopana mme ba hlahisa sona—sona sebewa sa lefu. Mosadi, lona . . . Lefu ke sebewa sa ho kopanya Satane le Eva, mmoho.

¹³⁰ Eva o ne a tshwere Lentswe. Satane o kgahlano le Lentswe. Mme, bonang, e batla e—ba mashome a robong le metso e robong le karolo ya mashome a robong le metso e robong hodima lekgolo ya Lona, leo Satane a dumetseng hore le ne le nepahetse. "E atamaetse hoo," Bibebe e boletse, "matsatsing a qetelo, ho ka thetswa le bona Bakgethwa hola ho no ka etswa." Le bona kamoo e kenang kateng, kamoo e sa le e le kateng, kamoo e tswang kateng? Ka tsela e tshwanang, kopano ya ho hloka tumelo Lentsweng lohle la Modimo. Le e fumane? Ke sona se hlahisitseng lefu, ke ho kopanya ho se dumele le Lentswe. Ho se dumele, ho se ho kae, karolwana ya lona; ha nyenyane, nthwana, nthwana e nyenyane, karolwana ya lekgolo ya pheresente e le nngwe. Empa E tshwanetse ho ba pheresente tse lekgolo! Ke phetho.

¹³¹ Lemohang, moradi wa Modimo, Kereke, Monyaduwa, le yena ke sebewa, sa Modimo le Lentswe la Wona, ka ho kopana. Moya o Halalelang o kopanang mmeleng wa nama, O ile wa hlahisa Mora Modimo, sebewa sa ho loka ha Modimo. Mme tsatsing la ho qetela, ka moo re bolellwang kateng, "jwaloka matsatsing a Sodoma," Monyaduwa o tla kopanya ke Lentswe la Modimo le bonahaditsweng nameng, Moya o Halalelang o ba tiiseletsang ka ho Modimo, le ho kwalla ho se dumele ka ntle, ka ntle.

¹³² Jwaloka ke boletse, hola bophelo ba Beethoven bo ne bo le ka ho wena, o no tla phela jwaloka Beethoven; hola bophelo ba Hitler bo ne bo le ka ho wena, o no tla phela jwaloka Hitler. Mme ha Bophelo ba Kreste bo le ka ho wena, o no o tla phela

jwaloka Kreste, mme o etsa mesebetsi ya Kreste. Mme ho tla ba jwalo. Hola Kreste a na phela kajeno, O na tla etsa hantle seo Lentswe le itseng O tla se etsa kajeno. Mme haeba Lentswe le boletse ho re, “E sa le Yena maobane, kajeno, le ka ho sa feleng,” hobaneng lefatshe lena le foufetseng la bokereke le sa kgone ho bona nako eo ba phelang ho yona? Le a bona?

¹³³ Eva o bakile lefu lohle la nama, ka ho leka ho sotetsa bokgelohi bo itseng ba Satane Lentsweng. Mme ke yona ntho e hlahetseng kereke, mane Nicaea, Roma, ka ho nka ditshomo bakeng sa Lentswe. Ke yona ntho e ka hara Methodise, Baptist, Presbeterian, ha Lesedi le tjhaba mongwaheng o mong le o mong mme ba Le furalla.

Ke ka hona Lutheran e shweleng ha Wesley a na hlaha. E ne e le mongwaha o mong. Lentswe la tla, mme keha ba loketse Le amohela kapa ho shwa. Ke ka hona maPentecostal a shwang jwale, hoba mongwaha o fihlile mona. Lentswe le bonahaditswe, nako ya ntsu, nako ya hore Lentswe le kgutle hape, “ho kgutlisetsa Tumelo ya bontate, hape baneng.” Mme ba kopane hakale, ba Le furalla, mme bona ha se letho haese lefu la moya. Kamehla . . .

¹³⁴ Mmele wa Modimo, o kopane jwaloka Monyaduwa wa Hae, Bonngweng; Yena le Kreste, mmoho, ke Moya o sebetsang nameng ya Kereke jwaloka ha O sebeditse nameng ya Jesu Kreste, hoba Ke karolo ya Mmele wa Hae. Ha ba babedi; empa Bang! Ba Bang. Monna le mosadi ha ba sa le babedi, empa ba bang. Mme Kreste le Mmele wa Hae ba Bang. Mme wona Moya o no le ka ho Kreste o ka hara Monyaduwa wa Hae, ka hara Mmele wa Hae, o Ba kopanyang mmoho le Lentswe lohle. Mme Modimo a phela ka hare ka mono, ka boYena, ho e bonahatsa.

¹³⁵ Mme antikreste, o tla re, “Oh, ke dumela ho Kreste, ke dumela Evangeding, ke dumela Dinthong tsena, empa, o a tseba . . .” Ke moo he. “Empa, o a tseba, matsatsi a mehlolo a fetile. Ha ho ntho e kang eo, o a bona.” Ke moo he. “Oh, ha ke dumele hore o tshwanetse ho kolobetswa ka Lebitsa la Jesu Kreste.”

¹³⁶ Empa Bibebe e itse o loketse jwalo. Jwale ke batla moithuti wa ho reng wa thutamodimo a hanane le hono. Le a bona? Le a bona? Ho loketse jwalo. O re, “Tjhe, kolobetso ha e etse phapang ya letho.” Hantle, he, hobane’ng e ngotswe? Hobaneng e ile ya etsa phapang ho Paulose? Hobaneng e ile ya etsa phapang ho ba bang bao bohole? O tla kolobetswa ho seng jwalo . . .

Bibebe e itse, “O na le lebitso la hore o a phela, athe o shwele,” hoba ha ho lebitso le leng le abilweng tlasa Lehodimo.

Hobaneng le rera ka Lona, le rapela ka Lona, ntho e nngwe le e nngwe eseles, empa, ha le fihla letsheng, le Le latola? Hehhe. Le a bona?

Ke ile ka re ho monna tsatsi le leng, ka re, “Ho ka thweng hola motho . . .”

A re, “Ha ho etse phapang ya letho.”

¹³⁷ Ka re, “Ha motho a ka tla ho wena, mme a re o kolobeditswa ka lebitso la ‘Rose ya Sarone, Mohaladitwe wa Diphula, le Naledi ya Meso,’ na o no o ka re o lokile?”

A re, “Tjhe, monghadi.”

Ka re, “O no o tla mo kolobetsa hape?”

“E.”

Ke re, “O no tla kolobetswa jwang?”

Ha thwe, “Ke lebitso la ‘Ntate, Mora, le Moya o Halalelang.’”

¹³⁸ Ka re, “Ke hantle, jwale o entse yona, o beile . . . Ha o bitsa ‘mabitso’ ao, o entse yona ntho eo a e entseng ha a na re, ‘Rose ya Sarone, Mohaladitwe wa Diphula, le Naledi ya Meso,’ hobane hoo ke leemedi, mme ‘Ntate, Mora, le Moya o Halalelang’ ke leemedi. O a bona?”

A re, “Empa Jesu o itse kolobetsang, ‘Lebitso.’”

¹³⁹ Ka re, “Ke seo A na re se etswe hantle. Empa ka eng, e seng—e seng . . . Ha A re, ‘bitsang mantswa ao.’ ‘Le ba kolobetse ka Lebitso,’ Lebitso! Oho, kgidi!” Ka re, “‘Ntate, Mora, le Moya o Halalelang’ ke maemedi. ‘Lebitso la Ntate, Mora . . . Lebitso la Ntate, Mora, le Moya o Halalelang.’” O a bona?” Ka re, “Petrose o itse e ne e le Lefe? Ba bang bohle ba itse e ne e le Lefe? O a bona? Ke Lefe? Hehhe. ‘Morena Jesu Kreste’ ke Lebitso la ‘Ntate, Mora, le Moya o Halalelang.’” O na le batala ba ka bang dikete tse mashome a mararo bao a loketseng ho ba kolobetsa botjha jwale. O a bona? Ho lokile. Empa hoo ho lokile. Paulose o itse, “Ha Lengeloi le tswa Lehodimong . . .”

¹⁴⁰ Paulose o laetse batho bao ba neng ba sa kolobetswa ka Lebitso la Jesu Kreste, Diketso 19:5, hore, ba tle ba fumane Moya o Halalelang, ba ne ba loketse ho tla. Leha ba ne ba hweletsa ba rorisa Modimo, mme ba etsa dintho tse kgolo, a re ba ne ba loketse ho kgutla hape mme ba kolobetswe, hape, ka Lebitso la Morena Jesu Kreste. Ka mora hoba Johanne Mokolobetsi a ba kolobetse, ba ne ba loketse ho kgutla hape le ho kolobetswa hape.

Mme o boletse, ho Bagalata 1:8, “Ha Lengeloi le tswang Lehodimong le ruta ntho e sele ho eo ke le rutileng yona, le rohakwe.” E, monghadi. Ka baka leo re loketse ho tsepama le Lentswe leo hantle, Lentswe ka leng la Lona. Le a bona?

¹⁴¹ Hlokamelang. Oh, se etse diphoso tsa letho; tsebisisa ruri. Ha ho na le ntho e belaelang pelong ya hao, o mpe o e otolle

jwale. O se eme ho fihla nakong eo, nako e se e ile haholo. O se eme ho fihlela o nka letshwao ka botebo hoo o ke keng wa hlola o E bona hape, o tla foufala.

O ile a foufatsa Iseraele, A tle a bonahatse Lentswe la Hae. O etsa ntho e tshwanang ho Baditjhaba, hoba ke mona—ke mona ba kena ho yona hantle jwaloka ha bao ba entse mohlang oo.

¹⁴² Lemohang, Eva a hana mme a tela ditshwanelo tsa hae. Ka mora hoba a bone Lentswe le netefatswa ke Modimo, seo A neng a se entse, a Le hana mme a tela ditshwanelo tsa hae. Ke yona ntho eo ba e entseng Nicaea, Roma. Mme ke yona ntho eo ba e etsang jwale Lekgotleng la Dikereke, hantle feelsa. Baena, e teng, ho tloha ho Genese ho ya ho Tshenolo, ntho e tshwanang. Ke se etsweng ke Iseraele. Ke se etsweng ke Pilato. Ke se etsweng ke ntho yohle, kamehla, ho tloha ho Eva ho fihla jwale, ntho e tshwanang. Ba hanne Lentswe le netefaditswenng mme ba nka tshomo, bakeng sa lona. Ho baka lefu, lefu la moya.

Ba shwele! Lentswe le sa ntse le bolellwa ba shweleng. Ehlide! E ke ke ya ba dilemong tse Sekete, hona jwale, le a bona. Ba—ba, ba se ntse ba reretswe. Mohlomong ba Le thola hona jwale. Le a bona?

¹⁴³ Bara ba Kaine, eo e neng e le sebewa sa ho se dumele Lentswe la Modimo, bara ba Kaine ba ile ba soma molaetsa wa moporofeta Nohe. Le lemoha taba eo? Ka Lentswe la Modimo o ile a dihela ka—kahlolo e lekantsweng pele, mme a na le dipontsho tse hlakileng, dipontsho tse netefaditsweng tsa hore nako e ne e le qetellong, mme bara ba Kaine ba O soma.

Jwaloka ha ba etsa jwale. Jwaloka, seo, ba entse tsatsing la Jesu. Jwaloka ba entse mengwaheng yohle. Ho bile jwalo kamehla. Ba soma le ho tshehisa ka Wona. O itse, “Matsatsing a qetelo ho tla hlaha basomi, ba re, ‘Nako di sa ituletse jwalo, ha esale bontate ba ithoballa.’” Lona, le a bona?

¹⁴⁴ Bara ba diabolosi ba entse jwalo, ka tsamaiso ya borapedi, ho Lentswe le bonahaditsweng nakong ya Jesu Kreste. Bonang, ditsamaiso tsa borapedi tsa batho ba Bajuda, [Moena Branham o kokota sefaleng makgetlo a mmalwa, mme o re, “Kgaitsei Rose.”—Mong.], batho ba Bajode ba neng ba loketse ho tseba hantle, empa tsamaiso ya bona ya etsa hore ba tele ba be ba some Lentswe la Modimo (ba ipoletseng ho le dumela) le bonahaditsweng, ho se Lentswe le le leng le tswileng tseleng. Ba ile ba etsa ntho e tshwanang.

¹⁴⁵ Ba etsa jwalo le kajeno. Ditsamaiso tsa borapedi ka hara motjhinihadi wona oo ba o beileng jwale di tla, ruri, di hanetse ditshepiso nakong ya qetelo; ka Molaetsa wa nako ya qetelo, le

pontsho ya nako ya qetelo, ntho e nngwe le e nngwe ya nako ya qetelo e loketseng ho hlaha, jwaloka ha Modimo a e boletse pele, Lentswe ka Lentswe.

O lebanteng. Haeba—haeba ba nthunya, kapa eng feela eo ba ka e etsang, ba ke ke ba kgina Molaetsa oo! Le a bona? O tla nne o tswelle ka mokgwa o tshwanang. Le a bona? O se o tswile. O hatisitswe. O tsamaile. Le a bona? Ba ne ba ke ke ba kgona... Ke—Ke Lentswe la qetelo, hantle hona jwale. Per... Ka netefatso e hlakileng le ho pakwa, hape le hape le hape, ka dipontsho, meeka, ka dihlomo tsa motjhini, ka—ka—ka Matla, ka—ka mahlale, ka kereke, ke Modimo ka boYena, ho pakilwe hore ke hora; ke Lentswe, le ka dipontsho le meeka mmoho.

¹⁴⁶ Molaetsa o supilweng ke Modimo hara lona, ka dipontsho le mmeka ya hora. Molaetsa wa hore Jesu Kreste ha a shwa, empa o phela jwaloka ha A entse kamehla, le ho romela. Mme taba eo e tlatsa Malakia 4 hantle le Mangolo a mang wohle ao Jesu a itseng a tla hlaha matsatsing a qetelo, a phethahaditswe ka bottlalo, ho latela mahlale, le ka lefatshes mmoho. Mme dimakasine di ne di nkile ditshwantsho tse kgolo tsa didikadikwe tsa Lesedi, le boletseng mona esale pele. Le Mangeloai a Modimo, a ileng a theoha, ao ba sa tsebeng letho ka wona. Le hohle, sebakeng ka seng, ho pakilwe, lefatsheng hohle!

¹⁴⁷ Ntho e latelang ke thakgiso, mme re tobane le yona. Jwalokaha Jesu a boletse mohlang oo, “Ke tla reng, ‘Mpholose, Ntate, horen ena?’ Empa, tjhe. Thato ho etswe ya Hao, o a bona, lefatsheng, jwaloka e etswa Lehodimong.”

¹⁴⁸ Ke seo Kereke e se buang, kajeno, ho tswa pelong ya yona, “Nna ke ikopanye le ntho...? Tjhe, Morena, tjhe Thato ho etswe ya Hao, jwaloka ha e etswa Lehodimong.”

¹⁴⁹ Lemohang, ka mora Lentswe la tshepiso la mongwaha le ileng la netefatswa, ba ile ba Le furalla. Ba entse ntho e tshwanang kajeno. Mme jwale ke theohela ho ya kwala jwale. Mme jwaloka ha A tlide mohlang oo a Itsebahatsa ka ho totobala hore ke Lentswe, mme ha fihla makgaolakgang moo ba tshwanetseng ho kgetha Lentswe kapa ba nke tsamaiso; ho fihletswe ntho e tshwanang kajeno, ba tshwanetse ho kgetha Lentswe kapa ba nke tsamaiso. Mme ba nkile tsamaiso. Jwale hoo ho etsa'ng? Ho kwaleng. O matsohong a lefatshes. Hantle.

¹⁵⁰ Jwale, sehlooho sa ka. Ke tsela e telele ya ho haha ka mahlakoreng wohle, empa jwale ke hona ke qalang, o a bona. O se eme, ke ne ke mpa ke bapala. Bonang, sehlooho sa ka ke sena. Re tseba taba eo. Hoo ke ho bea meralo. Re se fumana se robetse mona motjheng o le mong jwale. A re se romeleng hantle hae mme re boneng hore se jwang, ho se kenya tlasa galase.

¹⁵¹ Jesu o matsohong a batho. E matsohong a kereke. Le tla etsa'ng ka Jesu enwa ya bitswang Lentswe le tlotsitsweng? Kreste ke ho bolela "Lentswe le tlotsitsweng." Le a bona?

"Le tla etsa'ng ka Jesu enwa?" Pilato a rialo. "Ke tla etsa'ng ka Lona? Eng, kgato yaka ke efe? Nka etsa'ng ka Jesu enwa ya bitswang Kreste?"

¹⁵² Lefatshe le ile la howa la reng? Kereke e ile ya hweletsa ya reng? "Le thakgise! Kgutsisa ntho Eo! Ha re sa hlola re Le batla."

¹⁵³ Ke tla le botsa taba e nngwe. Na le ka nahana molato o matsohong a Oswald, hoseng hoo, yena ya bolaileng Presidente? Na le ka nahana seo kahlolo ya hae etlaba yona ha ho ka pakwa hore ke yena ya entseng taba eo? Na le ka—na le ka nahana ka mohau o leng teng feela o tla mo salla? Madi a Presidente ya United States a matsohong a hae. Na le nahana hore Lekgotla la Federale... Ho sa tsottelehe o rapedisisa hakakang, "Ke ne ke sa ikemisetsa ho e etsa," taba eo e ke ke ya mo tshwarela ka letho. O tla timela. Hobane'ng? Madi a Presidente a matsohong a hae. Na le ka nahana ka maikutlo a hae? Na le ka batla ntho eo matsohong a lona? [Phutheho e re, "Tjhe." —Mong.]

¹⁵⁴ Hantle, ho ka thweng ka Madi a Jesu Kreste he? Na o nahana hore o tla tshwarelw, ka mora hoba Le netefatswe ka ho hlaka? O tla E phonyoha jwang? Madi a Hae a matsohong a hao, molato! Moetsadibe, o ya kae ho tloha mona? O tla etsa'ng ka mora kopano hoseng hoo?

¹⁵⁵ Na o a nahana, o re, "Hantle, ke ne ke ikanetse... Ke ne ke sa ikemisetsa ho ba kgopo." Oswald a ka nna a bolela ntho e tshwanang.

Hola toka ya molao ya Lekgotla le Phahameng e ka batla toka, e tla e batla. Ke—ke ya rona... Ke bonneta ba setjhaba. Setjhaba sohle se tlameletswe Lekgotleng leo le Phahameng, mme ho ke ke ha sala letho. O entse molato. O loketse ho o lefiswa. Ho sa tsottelehe o ne a sa rera hakae, kamoo maikemisetso a hae a na le kateng, kapa letho ka yona; o tla o lefella, leha ho le jwalo.

Hola Lekgotla le Phahameng la rona le toka ya lona le ka kopa moputso wa phethetso, ke hakakang o tla iphumana Setulong sa Kahlolo ya Modimo, ha o fihla o na le Madi a Jesu Kreste matsohong a hao? "Ke tla etsang ka Jesu enwa ya bitswang Lentswe le tlotsitsweng?" O Le utlwile. O a tseba Ke Nnete. Le netefaditswe ka ho hlaka.

¹⁵⁶ Mmolai? Na le hlolohela mmolai wa Lentswe wa phutheho ya bodumedi, bakeng sa Kreste ya se nang sekodi? Na o ka thakgisa? Na o ka—o ka hla wa nka Barabase? O no o ka bitsa Barabase na? Motho a ka hla a etsa taba eo, ho bitsa Barabase, mmolai wa Lentswe; ho e-na le ho nka Lentswe, ka boLona, e leng Bophelo. Mme Le matsohong a hao.

¹⁵⁷ Eitse ha ke utlwela ka polao ya Presidente Kennedy, Molaetsa wona wa wela pelong ya ka. Ka nahana, monna eo o tla etsa'ng? Mme ha ho mokgwa wa ho tswa ho yona hona jwale. Mohlomong o phaphame nakong ya jwale mmeo lemohile se robetseng kapele.

¹⁵⁸ Mme ka tsatsi le leng o tla phaphama. Mona, kapa lebanteng, hohle moo o leng teng, ka tsatsi le leng o tla phaphama, moetsadibe, mme o tla elellwa hore ho na le Madi letsohong la hao, homme Madi a Mora Modimo, mme o molato wa ho Mmolaya. Sebe sa hao se Mmolaile. Ho hloka tumelo ha ha o Lentsweng la Hae, ha o sitilwe ho bona boitsebiso ba Hae, ha o swabisitse Moya o Halalelang. Mme o ka etsa'ng haese ho ema Kahlolong ya Modimo, ka tsebo ya se tla o hlahela! E, madi a John Kennedy matsohong a Oswald e tla ba nthwana e tjhatsti, ho Madi a Jesu Kreste matsohong a hao ha o ema ka pela Modimo.

¹⁵⁹ “Ke tla etsa'ng ka Jesu enwa ya bitswang Kreste?” Pilato a rialo. O ne a beilwe matsohong a hae.

[Moena Branham o kokota sefaleng makgetlo a mmalwa—Mong.] Mme Madi a Jesu Kreste a beilwe hape matsohong a phutheho ena. A beilwe matsohong a setjhaba sena, le lefatsheng lena ho pota, moo diteipi tsena di fihlileng teng, le dintho tse netefaditsweng le ho suptjwa ke Modimo.

Jwale re tla etsa'ng ka Jesu enwa ya bitswang, “Yena maobane, kajeno, le ka ho sa feleng”? Re tla etsa'ng ka Jesu enwa? Na le ikemiseditse ho nka sebaka sa lona lehlakoreng la Hae? [Phutheho e re, “Amen.”—Mong.]

¹⁶⁰ Pilato, mme yona nthong eo Pilato a e entseng, ho setse dintho tse tharo tseo o ka di etsang ka Yena. Pilato o lekile tse tharo tsohle, mme a e fosa. Merero e meraro eo o ka lekang ho e sebetsa, empa e ke ke ya sebetsa. Pilato o lekile ho Mo tlosa matsohong a hae. Empa hang feela ha beilwe matsohong a hao, A matsohong a hao. Pilato o lekile mekgwa e meraro e fapaneng, mme ya hlolleha.

¹⁶¹ Re tshwanetse ho tobana le dintlhartsa hore O matsohong a rona. Re Mmone Lentsweng la Hae. Re Mmona a Inetefatsa. Re a tseba esale Yena maobane, kajeno, le ka ho sa feleng. Na ho lokile? [Phutheho e re, “Amen.”—Mong.]

Ebile, ha ke bue feela le phutheho ena mona hoseng hona, hoba ke bua le batho ba makgolo a tsheletseng, a supileng, mohlomong, empa ke bua le dimilione teiping ena e tla ya lefatsheng ho pota. Le a bona? O matsohong a hao, naheng ya teipi, hohle moo o ka bang teng. O a tseba Ke Nnete. Ha o sa tsebe, etlaba o foufetse; ha o kgone ho bona Lentswe, le jwale ha o kgone ho bona Modimo Lentsweng. Mme o matsohong a hao. Jwale le tla etsa'ng ka Yena?

¹⁶² Pilato o ile a leka ho Mo tlosa, empa re loketse ho tobana le dinnete. Pilato o na loketse ho tobana le Yona. O tsebile. O na utlwile.

E, o re, “Ha ke eso bone letho la yona.” O Le utlwile, leha ho le jwalo. O a Le utlwa jwale. O a bona?

A batla hore Jesu a etse mohlololo, kapa malatadiana, bakeng sa hae. Empa O na sa bapale malepa; A mpa a etsa jwaloka Modimo a Mmoleletse ho etsa.

¹⁶³ Le utlwile. “Tumelo e tla ka kutlo.” O na le tumelo, mme o tloha teng, ho tlosa sena matsohong a hao. Empa o loketse ho tobana le dinnete, leha ho le jwalo. O entse jwalo, mme le rona re loketse ho tobana le dinnete. O tsebahaditswe ka botlalo. Nahana, ka Madi a Motho matsohong a hao!

¹⁶⁴ Motho o tshwanetse ho hlakomela ha a tshwere madi a motho matsohong a hae. Bonang sefofane. Mofofisi wa sefofane, ha a mathisa sefofane seo a se ntsha, o hlahloba sesebediswa ka seng. Hobane’ng? O tshwere madi a motho e mong matsohong a hae. Sesebediswa ka seng se se nyenyane se ka hlahljwang, o a se hlahloba. Ha a tswa mme a thintsha sefofane seo o—o—o dumisa ona—ona—ona mouturu, enjene, mme o hlakomela hore e futhumetse. Mme o burella sekwahelo sa mafura kaofela ho yona, a tle a bone hore na ho qhoma ho ka—ho ka...haeba e ka kgona ho ho—ho—ho qobella, kapa ho tjeba lefehlo, le hona, ka moyo o lekaneng ho se tlosa fatshe.

Le mnile la ema, bongata ba lona, sefaneng, kapa la dula fatshe mono, mme sefofane sohle se tsokotseha se tloha fatshe, mohlolong. O se neeletsa sohle seo se se tshwereng, ho bona haeba ho na le ntho e tswileng taolong. Haeba e ka ba teng, se tla hohlolola mme se time. Empa o boela a se hlahloba hape, haeba a loketse ho dula mono motsotso, ho fihlela a se hlahloba hape. Mme haeba ba diehisa nako ya hae ho se hokae, o boela a se hlahloba hape.

¹⁶⁵ Kamoo Kereke e loketseng ho e hlahloba hape, le hape, le hape, le hape! Re emetse ho Tla ha Hae. Re a phaphama, re emetse ho thakgoha. Re mpe re e hlahlobe ka Lentswe, e seng seo motho e mong a se buileng. Empa etsa bonneta hore o a tseba, ka bowena, e le hore boiphihlelo ba hao ka bowena le Kreste. E hlahlobe hape, le hape, le hape.

Hobane’ng? O tshwere madi a motho matsohong a hae. A mpe a hlahlobe.

¹⁶⁶ Ka ngaka teng, pele ho karo? Re na le dingaka tse mmalwa tse dutseng mona hoseng hona. Lemoha, hore ngaka, e tla entsangpele e buwa. E batla ekeserei. O batla ho hlahloba madi. O batla ho hlahloba pelo. O batla ho bona haeba o na le sefuba, pele a fana ka sethetefatsi. O hlahloba sesebediswa ka seng; o a di bedisa, ka botlalo, ho bona hore ha ho

dikokwanahloko ho sona. O etsa ntho e nngwe le e nngwe. O hlahloba hape, le hape, le hape, le hape, hape. Hobane'ng? O tshwere madi a motho letsohong a hae. O batla kgodiseho e shweleletseng ya hore ntho e nngwe le e nngwe e lokile kamoo e ka lokang.

¹⁶⁷ Ka wena teng? Ka wena teng, moetsadibe, o utlwileng ka taba ena?

Ha o tshwere madi a motho letsohong la hao, boikarabelo bo kang ba mofofisi, mme o a hlahloba; ngaka, mme e a hlahloba; le ntho e nngwe hape, mahlale a mangatangata; ha o tshwere madi a motho matsohong a hao, seo o yeng o se etse!

Ha moahlodi a ttilo diha kahlolo, shebang kamoo a balang dibuka tseo, hape le hape le hape le hape, ho fihlela nthwaneng e nngwe le e nngwe a ka e bonang, pela a diha kahlolo. Hoba, o tshwere madi a motho matsohong a hae, ho loketse ho ba le ntho mona e lokafatsang hono. Le a bona?

¹⁶⁸ Ka rona teng, hodima re Le bona le tsebahatswa ka ho hlaka, hore, “Esale Yena maobane, kajeno, le ka ho sa feleng”? O teng mona. O matsohong a rona. O matsohong a rona. O matsohong a lona! Le tla etsa'ng ka Yena? “Ke tla etsa'ng ka Jesu enwa e leng Kreste ya tlotsitsweng?”

“Le etsa'ng na? Le tseba jwang hore Ke Yena?”

Tshepiso ya letsatsi, letsatsi leo re phelang ho lona, ho na le Lengolo le buang, di-inchi tse ngata hakana tsa Lona di loketse ho phethahatswa, di-inchi tsena tsa ho qetela tsa tsatsi lena la ho qetela. Ho na le dintho tse dutseng *mona* tse loketseng ho etsahala, mme ke ena moo e leng teng. Ke eng? Yena Kreste ya tlotsitsweng, Lentswe le tlotsitsweng! O tla etsa eng ka Lona? Na o tla Le rekisetza phutheho ya bodumedi?

¹⁶⁹ Jwale Pilato o ile a etsa'ng? Pilato o ile a leka ho Mo hlatswa matsohong a hae, ka ho re... Ntho ya pele eo Pilato a e entseng e le ho leka ho Mo hlatswa matsohong a hae, ka ho re, “Oh, O lokile. O itoketse.” Le a bona?

¹⁷⁰ O ka re, “Oh, Pilato wa batho.” Pilato, bongata ba bona bo a mo lokafatsa? Tjhe, tjhe, tjhe! O ne a le matsohong a hae. O na utlwile Molaetsa, o na bone Lentswe, mme O na le matsohong a hae. Mme ka mokgwa o tshwanang O matsohong a hao. Ke hantle.

A etsa eng? A leka ho re, “Oh, e bo, Ke Monna ya molemo. Ha ke fumane molato ho Yena.”

¹⁷¹ Ha hoo e se e—e—e karabo ya ba bangata hakana kajeno! “Oh, ha ho le phoso ka Lentswe. Ke a kgolwa le itoketse. Bibele e lokile, empa re dumela kereke. Phutheho ya rona ya bodumedi ha e dumellane le Lona.” O a bona? O a bona? Ke seo sehlopha se seng sa batho se lekang ho Mo hlatswa letsohong la sona.

“Ha ke fihlele phoso Lentsweng. Le ne le loketse baapostola tsatsing la bona, empa re phela tsatsing le leng. Ha re phele tsatsing la baapostola, ka hona he ha kea lokela ho sebetsa kamoo baapostola ba sebeditseng kateng. Ha ke a lokela ho kolobetswa ka mokgwa oo ba entseng; ke phela tsatsing le leng, Ha ke a lokela ho ba le dintho tseo ba bileng le tsona; ke phela tsatsing le leng. Moya o Halalelang o ne o filwe sehlopha seo feela.”

¹⁷² Baheberu 13:8 e boela e Mmea hape matsohong a hao, [Moena Branham o kokota hararo sefaleng—Mong.] ntle le ho phonyoha! O netefaditswe ka ho hlaka, “Esale Yena maobane, kajeno, le ka ho sa feleng.” O ke ke wa phonyoha. O ke ke wa Mo fetisetsa mongwaheng o mong o itseng. Baheberu 13:8 e ahlola maikutlo a hao, mme e Mmea hantle hape matsohong a hao. Ka baka leo Jesu o matsohong a hao, jwalo feela kaha ho etsahetse ho a Pilato.

Bonang. O re, “Empa ha ke tsebe.” E, o mamella eng?

¹⁷³ Pilato e ne e le mohetene. Mosadi wa hae e le mohetene. Empa Modimo, ho ka sebetsa ka toka, a romela mosadi eo ka hare ka mono mme a re, “O be thoko le Monna enwa ya lokileng.” A re, “Ke utlwile bohloko tsatsing lena.” Hoba, e ne e le hoseng, bosiu bo ne bo sele, mme dihora tse mashome a mabedi le metso e mene ho thwe ke letsatsi. “Ke utlwile bohloko ditorong tse ding bosiung bona, mabapi le Monna eo ya lokileng. O be thoko le Yona.”

¹⁷⁴ Jwale a re, “Hantle, he, ha ho le jwalo, ke tla Mo hlatswa matsohong a ka feela.” Empa ha ka a e kgona.

Le wena o ke ke. Hang ha Nnete e utlwuwa, o loketse ho E amohela kapa ho E latola. Ha ho tsela...E, monghadi, o loketse ho e etsa. Dikgalemelo tsa Morena!

¹⁷⁵ Bajode ba ile ba hweletsa, “Madi a Hae a be hodima rona; hoba re tla dumela baprista ba rona, tsamaiso ya phutheho ya rona ya bodumedi, pele re ka Mo dumela.”

Ke lona bao he. Le bona dihlopha tseo kajeno? Empa bohle ba tshwanetse ho tjamelana le tlhahiso ya Modimo. Le loketse bohle ho e etsa, leha ho le jwalo, o le mohetene kapa seo o ka bang sona. Mosadumele, Methodist, Baptist, Presbeterian, ya fofo, ya batang, ya tjhesang, le seo o ka bang sona feela, o tshwanetse ho tobana le tlhahiso ka ho tshwana. E leng hore o a batla, kapa tjhe, E beilwe matsohong a hao. Hantle ruri.

¹⁷⁶ Mme hape ho be le bao ba lekang morero o mong wa Pilato ho kwekwetla tlhahiso, ho Mo fetisetsa ho Sesare wa ho reng. Le a bona?

Pilato o ile a re, “Jwale be butle motsotso. Ke—ke—ke—ke ha ke batle ho amana le Yona ka letho. Ke—ke—ke—ke... .

Jwale, Ke Monna ya lokileng. Ha ke—ke batle ho amana le Yena ka letho. Oh, ke—ke dumela seo ke se utlwileng. Ha ke eso Mmone a etsa mohlo, empa ho na le dipaki tsa Hae tse ngata haholo. Ke—ke—ke a dumela Ke Monna ya lokileng. O Monna ya molemo, o a bona, empa—empa ke—ha ke batle ho amana le Yona ka letho, ka bonna. Ke—ke—ke feela... Ke tla Mo hlatswa feela matsohong a ka. Ntlisetseng metsana. Bohle le ka mpakela mona.” Eya. Empa Modimo le wona o ne o paka, hape. O ne a le matsohong a hae.

¹⁷⁷ Le hona O matsohong a hao ka ho tshoana. O a bona, wena, o tseba seo ke buang ka sona. O a bona? E seng wena feela, empa teipi ena. O matsohong a hao. O tla Mo etsa’ng, Jesu enoa ea bitsoang Kreste? Kreste ke Lentsoe le tlotsitsoeng. O a bona? O tla etsa’ng ka Oona? Ke Molaetsa wa hora. Letsatsi le fihlile, ho pakoa ke Bibele ka ho totobala le ke Molimo. Mme o tla etsa’ng ka Oona? Tlhahiso ee o tla khona joang ho e koekoetla jwale? O ka phonyoha joang ho eona. O matshong a hao! Mme nyewe ya Oswald etlaba tjhatsi, ho ya hao, leha o le moruti kapa o ka ba mang.

¹⁷⁸ Bajode bao e ne e le baprista, le borabi, baruti, banna ba halalelang; empa O ne a le matsohong ka ho tshwana. E ne e le Lentswe, tlhahiso ya Modimo bakeng sa tsatsi leo, mme ha ba kgone ho Le bona. Ke bakgethwa feela ba Le boneng, bona ba Le dumetseng.

¹⁷⁹ Jwale bohole ba tshwanetse ho tobana le tlhahiso. Mongwaheng o mong le o mong ho bile jwalo, nako le nako. Mongwaheng wa Eva le Adama, ho theoha ho fihla mongwaheng wa Noe, ho theohela nakong ya Daniele le Beltsatsare le Nebukadnesare, ho theohela nakong ya Kreste, ho theohela hona horeng ena eo re phelang ho yona, esale ho tshwana, tlhahiso ya Lentswe e ile ya lhaha. E seng tumelo ya bona, kapa e seng phutheho, e seng tshomo, empa, tlhahiso ya Lentswe ebile kgahlano le dintho tseo. Ka baka leo, jwale, Le matsohong jwale.

¹⁸⁰ Hape bao ba lekang morero o mong wa Pilato, ho Mo tlosa, ka ho Mo fetisetsa ho motho e mong o sele. Pilato a re, “Jwale, o a tseba ke’ng? Ke tla mpe ke Mo tlose letsohong la ka. Ke tla Mo hlatswa matsohong a ka ka metsi ana. Ka baka leo ke tla... Ke loketse ho etsa ho hong ka Yena. Ka baka leo ke tla etsa’ng? Ke tla Mo romela dintlokgolo, le mobishopo.” Hehhe. Eya.

Ke see ba lekang ho se etsa kajeno. Le a bona? Ba Mo romela ho Sesare ya itseng. Hoo ha ho a ka ha Mo tlosa matsohong a Pilato, ho Mo tlosa letsohong la motho ofe feela. E ile ya etsa’ng? Ya kgutlela ho yena hape. E kgutlela hape ho motho ka bomong.

¹⁸¹ O ka re, “Hantle, ke tla kgona, ke tla e etsa. Ne nka Le amohela hola phutheho yaka ya bodumedi e ne e ka Le amohela.”

Phutheho ya hao e kene Lekgotleng la Dikereke, e ahlotswé! Ba ka Le amohela jwang? E kgutlala, ho wena hape. Ha se se bolelwang ke phutheho ya hao ya bodumedi; ke hore, wena o reng? Ba Le hanne; jwale o tla etsa’ng ka Lona? Ke ntho e latelang. O a bona? Hoo ha ho Mo tlose matsohong a hao.

O netefaditswe ka ho hlaka. O tsebahaditswe ka ho hlaka, Lentswe la hora ena, tshepiso ya hora ena. E seng tshepiso ya hora ya Luthere; e ne e le Lona mohlang oo, e ne e le Lentswe mongwaheng wa bahlabolli. Jwaloka, ho lona bohole ba utlwileng Ditiiso tse Supileng, ha mongwaha wa bahlabolli o ne o tswa, Sebata se nang le sefahleho se kang sa monna (mokgatlo) sa hlahella; empa sena ke sefahleho sa ntsu, Sebata se tswileng ho etsa phephetso kajeno.

¹⁸² Mme ke mang ka hlang a re hoo e ne e se Lentswe la Modimo le susumeditsweng, hodima Modimo a E boletse esale pele mona, le ho romelwa ntle kwana Arizona le ho Le kgutlisa, esita le ka mahlale le ntho e nngwe le e nngwe e sele, le ho Le paka jwalo! Buka *Ena* e se e butswe, ke hantle, ho emetswe Tiiso ya Bosupa feela ho tsebahatswa ho Tla ha Kreste.

¹⁸³ Ke hantle, O matsohong a hao. O loketse ho etsa ho hong ka Yena. O se ke wa Mo tlosa. E, mongahdi. Mokgahlelong wona, ke rata ho re, “ho Mo fetisetsa ho motho e mong.”

“Hola phutheho yaka e ne e ka Le amohela, Moena Branham, ke ne ke tla—ke ne ke tla Le amohela. Empa, o a bona, mme wa ka e ne e le setho sa kereke ena.” O phetse mongwaheng wa hae; ha se wena eo. Ke wena jwale. Bona seo a na loketse ho tswa ho sona, ho etsa seo a neng a le sona. Ho ka thweng ka wena? Ke hantle.

¹⁸⁴ Bonang. O re, “Mme waka e ne e le moPentekosta. O entse *hore-le-hore*. O ile a tswa mokgatlong.” Empa ke leka ho bua le wena jwale. Ho ka thweng ka wena? O a bona?

Mokgahlelong wona, re fumana bongata bo rutehileng. Jwale, ke a tseba ke tlilo thonkga maikutlo mona, empa ha ke e etse ka maikemisetso. Haeba ke etsa, etlaba ke—ke loketse ho ba tlase aletareng, ke bake. Ke bolela taba ena ka lerato la borapedi.

¹⁸⁵ Jesu, ha A ne a eme mono, le Bafarisi bao; a loketse ho re, “Le bana ba ntata lona, diabolosi; le tla etsa mesebetsi ya hae.” Leha ho le jwalo a kope kgotso le mohau bakeng sa bona, sefapanong, ba Mo thakgisitseng. Le a bona, O ne a sa ba

halefela. O ile a re, “Madinyane a dinoha.” Le a bona? Le a bona? Ntho e nngwe le e nngwe, A ba rohaka ho fihlela nthong e nngwe le e nngwe eo A ne a ka e kgona, le a bona, mme a ntano ba rapella sefapanong. Le a bona? Ha se hore O na batla ho etsa hono; e ne e se hono, empa ba ne ba loketse ho bona phoso eo ba neng ba e etsa.

¹⁸⁶ Mme ke bua taba e tshwanang kajeno, mokgahlelong wona wa “ho beana dibata,” kapa ntho eo sesoleng re e bitsang, “Ho thakgisa letlalo hodima e mong.” Re leka ho e fetisetsa pele, jwalo Adama le Eva ba entse.

Eva o lekile. Adama a re, “Mosadi eo O mphileng yena,” mme e ne e se boitshwarello ho yena. Le a bona? Mosadi a re, “Noha e nthetsitse. Mosadi . . . Ke yona e bileng ya phedisana le nna. E nthetsitse. E entse ketso *ena*.” Hoo ha ho a ka ha e thibela, ho hang. Ba tswela pele ho ya kahlolong, ka mokgwa o tshwanang. E, monghadi. Ke hantle.

¹⁸⁷ Ba ke ke ba e fetisetsa, e mong . . . Ba ke ke ba re, “Holane phutheho yaka ya bodumedi e ka dumela Hona, le nna—le nna ke etsa jwalo. Empa, ha esale ke le phuthehong ena ya bodumedi.” Ha ho moo e amanang le teng ka ntho e le nngwe. Bajode ba ne ba e-na le ntho yona e tshwanang, ho jwalo le ka wena.

¹⁸⁸ Mme, hlokamelang, bongata tabeng mona, re fumana monna ya tswetseng pele mokgahlelong ona. Jwale theang tsebe.

Le a bona, tswelopele, seo re se bitsang tswelopele kajeno, ke seo Satane a se hlahisitseng ho Eva, bohlale bo seng bokae. Ho re, “Mahlo a hao ha e-so bulehe, hore o tle o Le utlwisise kaofela.” O ne a tseba Lentswe, mme e ne e le phetho. O bone Modimo a netefatsa Lentswe leo, mme hoo ho ne ho loketse ho be ho itoketse. O ne a mmabaletse Bophelong bo sa Feleng, ha feels a ne a dutse le Lentswe leo. Ha a na tlola Lentswe leo, a tshwere tshepiso ya Modimo hore o tla shwa tsatsing leo a Le tlolang. Mme, eitse ha Le roba, a shwa. Ke hantle.

¹⁸⁹ Re na le Lentswe la Modimo le netefaditsweng mona, ho netefatsa, ho paka ka Moya, hore O re amohetse le ho re fa kolobetso ya Moya o Halalelang. Re kolobeleditswe Lebitsong la Jesu Kreste. Evangedi e tshwanang, mehlolo e tshwanang, meeka e tshwanang, thuto e tshwanang, esita le yona Topallo ya Mollo e pontsheng ka pela rona, ho bontsha dipontsho le meeka. Ha ho boitshwarello, kae feels.

Mme ke hantle seo Bibele e itseng se tla etsahala matsatsing a qetelo, le pitso e tswang ho Malakia 4, “ho kgutlisetsa Tumelo ya bana ho bontate hape.” Mme hantle ka mora mono, ba kgopo ba ile ba tsamaya . . . kapa ba lokileng ba

ile ba tsamaya hodima melora ya ba kgopo; lefatshe lohle le ne le tla ttheswa. Mme diathomo di leketlile kwana, dibomo ka hara raka.

¹⁹⁰ Le bona seo Jeremane e se entseng hang feela hoba ba fumane Pres-...moPresidente o fenethilwe? Ba teanya mabotho a bona hammoho kapele ruri, hoba ke yona feela ntho e neng e thibetse Rashiya ho thunya mono. Mme ba otla... Kennedy o ne a ba romeletse lenseswe feela, hore, hora eo ba etsang hono, hore o tla ba fiela lefatsheng, hantle ho tswa Jeremane. Le a bona? Ba hopola hore ba ka e hapa, empa e ne e-so be hora, le a bona. Le a bona?

¹⁹¹ Re fumana bareri ba sedi, ba rutehileng, baevangedi, ba leka ho E fetisetsa ho motho e mong. Le a bona?

Kgele, hobane'ng Pilato a ne a sa re, "Hantle, be butleng motsotso, Monna enwa...mosadi enwa o tlie a ba a mpolella, mme ke utlwile bopaki bo bongata ka Wena. O a tseba, ke—ke na le thahasello. Nka rata ho fumana. Nka etsa'ng hore ke rue Bophelo bo sa Feleng, Monghadi? O matsohong a ka. Nka etsa'ng?" E, o ne a tla re—o ne a tla re...A re, "Na—na ke Wena Messia? Na—na ke Wena yena—yena Morena wa Bajode?"

¹⁹² A re, "Ke seo o se boletseng. O boletse teng."

"Kapa, re boelle, ka nnete, O Morena wa Bajode na?"

A re, "Ke tswaletswe hona."

A re, "Ha ke fumane molato ho Yena." Hehhe. "E bo, ke tla Mo hlatswa matsohong a ka feela."

¹⁹³ O ile a mo araba, empa a hana ho Le amohela. Hobaneng? Taba eo e ne e ka theola seriti sa hae. Ka baka leo a nahana ho romela ho mookamedi wa na, le ho bona see a se entseng ka Hona. Le a bona?

¹⁹⁴ Ke ntho e tshwanang jwale, tlhahiso e hlaho hape. Le tla etsa'ng ka Lona, Lentswe? Le loketse ho etsa'ng, ho botsa mookamedi, kapa bishopo, kapa motho e mong, hore le ka fetola sepheo sa lona sa kolobetso na, hore le ka etsa *sena* na, kapa la etsa *sena*? O e bona *jwalo* na, mme, "Ruri ha o a lokela jwalo." E kgutlela ho wena hape. Ha o ka etsa *jwalo*, o tla kgarameletswa ka ntle. O a bona?

¹⁹⁵ E tla theola seriti sa batho. E, ba—ba nahana...Mme lekgotla la phutheho ya bodumedi le ke ke la emelana...Jwalo ka—jwalo ka Pilato ya E fetisetsang ho Sesare; ba ke ke ba emelana le Yona. Sesare a E kgutlisetsa hape letsohong la Pilato. Ka baka leo ba leka ho Mo fetisetsa di—dihlohung tsa phutheho tsa bona tsa bodumedi, mme ha e sebetse. Leqheka lena ha le eso sebetse, mme le ke ke la sebetsa. Ha le a ka la sebeletsa Pilato; le ke ke la o sebeletsa; le ke ke la sebeletsa motho ofe feela o sele. Jwale, sa bobedi, ntho eo o ka e etsang ke...

¹⁹⁶ Borarong, ke batla ho rialo, ke ho Mo amohela kapa ho Mo hana. O ke ke wa Mo hlatswa matsohong a hao. O ke ke wa Mo fetisetsa tsamaisong e itseng, kapa nthong e nngwe. O tlamehile ho tobana le tlahahiso ena. Ka baka leo o ka etsa'ng?

Jwaloka Pilato, o ile a sala ka yona ntho eo, a re, “Mpheng metsi, mme ke tla A hlatswa matsohong a ka, ho kgodisa!” Mohla a neng a kgutla, keha a loketse ho diha kahlolo hape; taba eo ya se ke ya mo leballa ka letho. A leka ho re, “E bo, ke, haeba ke sa kgone ho Mo tlosa matsohong a ka, ke tla Mmeha matsohong a Sesare.” Homme Ya hlwenya, ho kgutlela ho yena hantle.

¹⁹⁷ E etsa jwalo, le ho wena, mothong ka bo mong. O tla etsa'ng? E seng seo mme a se entseng, seo ntate a se entseng, seo moruti a se etsang, seo Moena Branham a se etsang, seo motho mang; E matsohong a *hao!* O tla etsa'ng ka Yona, ka Jesu enwa ya bitswang Kreste? Hoba, o na le Madi matsohong a hao, mme Ke Madi a Modimo. Jwale o tla etsa'ng? Ho jara molato wa thakgiso. O a bona?

¹⁹⁸ O ka Mo thakgisa, ho amohela tumelwana ya hao kapa ntho efe feela eo o e batlang, kapa ho re, “E, ke tla feta mohwalotso feela. Nke ke ka kena-kenana le taba ena ya kereke.” O ke ke wa etsa taba eo. O matsohong a hao. Ho lokile. O ke ke wa kgona ho e etsa. “E, ke tla lebala ntho yohile feela, O ke ke wa e etsa. E sa ntse e le matsohong a hao. “E, ke tla re feela, ‘Modisa wa ka o nthutile *sena*.’” E a hlwenya, e boela e kgutla. E ho wena. O a tseba. Jwale, o ka Mo amohela kapa wa Mo hana, mokgwa ofe feela o batlang ho e sebetsa ka wona. Eng? E loketse ho fihla ho e mong wa bona.

¹⁹⁹ Jwale ke eng? Jwaloka ha Jesu a itse ho Bafarisi, O ile a re, “Ereka ha le le Bafarisi ba difofu,” le a bona, Yena ya neng a tla bua ntho e tshwanang kajeno, “lona baruti ba foufetseng ba bodumedi, le kgona ho lemoha nako ya bokomonisi. Le Iwantsha ntho eo haholo, le ntse le tseba hore Modimo o lhahisitse yona ntho eo ho le timeletsa.” Le a bona, ka ho se tsebe Lengolo. Le a bona? “Lona, le kgona ho lemoha hore bokomonisi bo tla hapa lefatshe. Le kgona ho bona seo. Le kgona ho lemoha seo.”

²⁰⁰ Dithero tsohle tsa rona di hodima bokomonisi. “Ho ripitla bokomonisi!” Ke e utlwa hoo ke kulang ho e mamela. Ke kgahlano le bona, le nna. Ruri, ke kgahlano le bona. Empa haholo ke kgahlano le monna kapa mosadi ya hanang Jesu Kreste, Lentswe. Kapa, e leng hore o moreri kapa seo o ka bang sona, o sekgobo se fetisang ho Kreste ho feta kamoo bokomonisi boo bo leng kateng. O hloka temoho mme ha a tsebe letho ka Yona. Le loketse le be le tseba. O a bona? Le ka kgona ho lemoha nako ya bokomonisi, empa ha le kgone ho lemoha pontsho ya tsatsi leo le phelang ho lona.

²⁰¹ Jesu o boleletse Bafarisi bao, a re, “Baikaketsi ke lona!” Ho re, “Le a tswa mme le sheba sebakeng, mme le re letsatsi le lefubedu mme le a theoha, hosane le tla be le sithabetse. Ha ho hlakile sebakeng,” le re, “hosane etlaba letsatsi le hlakileng.” Ho re, “Le kgona ho bala dipontsho tsa mehla, kapa dipontsho tsa sebaka le boso, empa ha le tsebe dipontsho tsa mehla.” Ke eo moo A neng a le teng, Messia, mme E latolwa.

Mme kamehla re bua ka bokomonisi le nthw’ena, empa, pontsho ya mehla, ha re E utlwisise. Le a bona? Re tlodisa Hono mahlo, ho e kgesa. Ba kopana mmoho ho se dumeleng jwale, mme ba e amohela, empa ha ba utlwisise mme ha ba bone pontsho ya nako eo Bibele e itseng e tla hlaha ka yona.

Na le E tshwere? [Phuteho e re, “Amen.”—Mong.] Ke loketse ho kwala, kapele jwale ruri. Nako e ntse e tsamaya, le a bona.

²⁰² Jwaloka ha bontata bona ba entse, le bona ba etsa jwalo, ntho e tshwanang kajeno. Jwale, qeto e fihletswe. E loketse ho etswa. Le loketse ho e fihlela, ka tsela e itseng. Le a bona? Thakgiso ya Lentswe hape, kapa na le tla etsa’ng? Thakgiso ya Lentswe e haufi. Ho thakgisa le ho kgina Lentswe le netefaditsweng, bakeng sa—bakeng sa phutheho ya bodumedi, jwaloka ha Pilato a entse, ho leka ho e fetisetsa ho motho e mong. Jwale wena, jwaloka motho, o tla etsa eng ka Lentswe le tlotsitsweng le bitswang Kreste?

Yena maobane, yena Kreste ya tlotsitseng Lentswe matsatsing a Nohe. Yena Kreste eo, sona—sona Sefate seo se neng se le Tshimong ya Edene; seo Eva a se tlohetsetseng, ho ja Sefateng sena sa Bophelo, ho nka sefate sa bohlale; monna, mosadi a tlohela Sefate sa Bophelo, ho nka sefate sa lefu. Nako ya Nohe e entse ntho e tshwanang. Matsatsing a baporofeta, ba entse ntho e tshwanang. Matsatsing a Kreste, ba etsa ntho e tshwanang.

Mme ke bana kajeno. Hoba e mong le e mong o bua ka nako ya hae, mme, ntho eo ha e ne e phethahatswa, nako le nako ba ile ba nka mabaka a phutheho tsa bona tsa bodumedi, le tse jwalo, le bohlale ba lefatshe ho e-na le Lentswe le tlotsitsweng la Kreste. Le tla etsa’ng, jwaloka motho ka bomong?

²⁰³ Pilato ha a kgona ho Mo tlosa matsohong a hae. Ke—ke a kwala, ka baka leo kgutsang haholo motsotswana feela. Pilato ha kgona ho Mo tlosa matsohong a hae. Le wena o ke ke wa kgona, ka moo a sebeditseng kateng, ho leka o mong wa merero ena. Ha ha a e kgona. Le tseba se ileng sa hlahela Pilato? O ile a lahlehelwa ke kelello ya hae. Sohle seo a na a se utlwa e le thakgiso eo. Sohle seo a na ka se utlwa e le kgalefo, hoo a bileng a hlanya.

²⁰⁴ Mme ba na le tshomo hodimo kwana Norway, kapa e seng... Ntshwareleng. Kwana Switserlane; mono, hodimo moo nkileng ka fihla, ka boromuwa. Ho thwe dikete di phuthehela mono, ho tswa lefatsheng lohle, ka Labohlano le Molemo; sekoting sa metsi moo Pilato a ipolaetseng teng. Qetellong a itshohlometsa letsheng lena la metsi a shwa. Mme ho thwe Labohlano le leng le le leng le Molemo, ka hora ya boraro thapama, metsi a fetoha a ba bolou, a biloha ho tswa moo setopo sa Pilato se robetseng teng. O ile a A hana. Madi a sa le teng matsohong a hae. Mme o a hana, o ile a latola; metsi.

Le ke ke la Mo hlatswa matshong a lona. Ha ho metsi, ha ho sesepa se monyang, se ka A hlwekisang. O matsohong a lona. Le tla etsang ka Yena?

²⁰⁵ Ntho feela o ka e etsang ke ena. Ha eba o ke ke wa Mo hlatswa matsohong a hao; o ke ke wa Mo fetisetsa ntho e nngwe e sele; o ke ke wa e feta mohwalotso jwaloka kgopolotaba e itseng. Ha ho mokgwa lefatsheng. Tsela e nngwe feela ke ho A amohela, ka pelong tsa lona. Ke oona mokgwa wa ho Mo tlosa. Mo tlose matsohong a hao mme o Mo kenyé pelong ya hao, kapa Mo tlohele matsohong a hao mme o eme Kahlolong. Ke yona feela ntho eo o ka e etsang.

Pheletso ya Pilato ya e ba e nyarosang.

²⁰⁶ Lentswe le re ba Mmeang matsohong a bona... Ke ne ke tlilo Le bala. Empa E boletse, "Ba hweletsa maralla le dithaba. Ba rapela, empa thapelo tsa bona di le morao haholo nakong." Le a bona? Ba hweletsa, "Re pate pela sefahleho sa Ya dutseng Teroneng, le kgalefong ya Konyana e tla... Le Pheleu, Bophelo ba Konyana bo tileng. Hoba, Letsatsi le le leholo la Kahlolo le hlahile, mme ke mang ya ka emang?"

²⁰⁷ Le nahana Oswald o tla etsa'ng mohla a tsamaelang ka pela Lekgotla le Phahamemg la dinyewe, mme a bona mahlo a befileng ao a—a moifo wa lekgotla mme bohle ba dutse mono? O tseba se tla etsahala. Ekaba phaposi ya gase, kapa thapo e leketlang mono, kapa ntho e nngwe. O tlamehile ho tobana le yona.

²⁰⁸ Empa ho ka thweng ha o atamela mono ka Madi matsohong a hao, a ho latola? Mme o tseba hore dihele di o laletse, tshenyeho e sa Feleng; ho hweletsa majwe le dithaba; empa ho rapela, hoba e se le morao bakeng sa dithapelo.

Ho Baheberu 10, "Ha re etsa sebe ka boomo." Sebe ke "ho se dumele." "Hobane ekare ha re sa dumele ka boomo ha re se re re amojetse Nnete, tsebo ya Nnete." Ha o a lokela le ho E amohela; ho tseba ka Yona feela. Ha o a tlameha le ho ba le Yona, o mpa feela... Oh, tjhe. O a bona? Ha ho a thwe, "ha re se re amojetse Nnete."

*...ha re etsa sebe ka boomo ha re se re filwe...tsebo
hore ke nnete, ha ho sa le sehlabelo se seng sa dibe,*

*E se e...le tebello e tshabehang,...bona bohale ba
mollo,...ho ja mohanyetsi,*

*...Hobane Modimo o itse, Phetetso ke ya Ka, mme
ke tla iphetetsa e le nna, ho itswalo—ho itswalo ke
Morena.*

²⁰⁹ Ekare ha re sa E dumele, ka boomo, ha re se re hlahiseditswe Nnete ka pela rona, mohau ha o sa tla hlola o ba teng. Ho ke ke ha hlola ho bontshwa mohau.

Modisa, ya utlwang teipi ena, o reng ka yona? Setho sa kereke, se utlwang teipi ena, o reng ka yona? O tla etsa eng, ha re sa E dumele ka boomo? O ke ke wa E hlatswa matsohong a hao. O ke ke wa E fetisetsa dintlokgolong. E tla boela e kgutlela, hantle ho wena hape. O E utlwile. Ka wena teng? O tla kgona jwang ho ema Letsatsing leo?

O matsohong a hao kapa O pelong ya hao, e nngwe ya tsona. Modimo o re thused.

²¹⁰ Haeba—haeba o ka nahana feela ka phenetho, le ntho e loketseng e be e ferella pelong ya monna eo. O entse eng? O hlaphohetswe e se e le morao, a se a entse ketso eo.

Bonang, o ne a e-na le monyetla. O tswetswe e le moAmerika ya lokolohileng. E ne e le moAmerika. Empa o ne a batla ho rekisa ditokelo tsa tswalo ya hae, ho fetoha moRashiya, mme ya hlwenya. O ile a nyala ngwanana wa moRashiya. Jwale ke moikgopoledi wa mokga wa Cuba wa bokomonisi.

Ho nahana ka bolokolohi, “Ke tla inahanel ka bona.” Ha ho monahano o tla o tlala. O tla etsa eng ka Jesu ya bitswang Kreste? Ha o moikgopoledi wa letho. Taba ya ho inahanel ha e yo. Mohopolo o no o le ho Kreste o be ka ho wena.

A re rapeleng.

²¹¹ Nahangan mehopolo ena, “Ha pokoe le teng, ha matla a le teng, nahangan ka dintho tsena.” Hara rona hoseng hona, ke bua, le teiping ena, hape. Ha o le teng mona hoseng hona, mme o tseba hore ha o loka kgahlano le Modimo, mme o sa tswalwa ka Moya wa Hae, mme Modimo a...

O re, “E, ke ipoletse.” Ha se seo ke buang ka sona. Na Modimo o bo amohetse? O ka re, “E, ke, ke ipoletse, le jwalojwalo. E, ke a dumela.” Le Pilato o entse jwalo, “Ke ipoletse, ehlile, ‘Ke tla etsa’ng ka Monna enwa ya molemo?’” O ke ke wa Mo hlatswa matsohong a hao jwalo. Tjhe, tjhe.

²¹² O tla etsa'ng ka Yena? Ha o se Mokreste ya tswetsweng la bobedi, Moya o Halalelang o phela ka ho wena, ho ruisa Bophelo ba hao, jwale hobane'ng o sa O amohele jwale? Le ka mohla o ke ke wa hlatswa Sena matsohong a hao. O ke ke wa utlwa Molaetsa wona kgetlo la ho qetela. O tla be sa le o lla jwalo ho fihlela o kenya Molaetsa ka hara pelo ya hao, hore Jesu Kreste esale yena maobane, kajeno, le ka ho sa feleng.

²¹³ Letshweleng lena le bonwang hoseng hona, na ho ka ba le ba eellwang hore, hore ba phoso, mme le ka phahamisa matsoho a lona. Ha re na sebaka sa ho memela aletareng, sebaka se tletse haholo. Empa e re feela, "Nthapelle, Moena Branham. Modimo a nthuse." Modimo a o hlohonolofatse, ke bona letsoho la hao. "Ke, ke batla ho etsa jwalo, hona jwale. Hantle mona, ka pela Modimo, ke batla ha Yena a tseba hore ke molato, mme ke a eellwa hore ke molato. Ke—ke Mmatla a tlositswe matsohong a ka; ke Mmatla pelong ya ka. Phahamisa letsoho la hao, o re, "Nthapelle, Moena Branham." Morena a o hlonolofatse. Ke bona, palong ena ya batho mona, mohlomong mashome a mane, matsoho a mashome a mahlano a phahame mona.

O a bitsa kajeno,

O a bitsa kajeno,

E nahane jwale, ke Yena ya bitsang. Jesu o ntse a bitsa. Ke Yena ya buang le wena.

²¹⁴ Na o se o sitilwe hakale, hoo pelo ya hao e tswileng matswabadi hakale, hoo o ke keng, wa O utlwa hape? Ka nako e nngwe, o sa le moshanyana kapa ngwananyana, o ile wa Le utlwa. O ne o e-na le takatso ya ho etsa hona, empa wa Le fetisa, mme o se o tswile matswabadi le matswabadi mengwapong eo le mesehlong. Na ho se ho ile hakale hoo o seng o sa kgone ho Le utlwa hape? Na o eme moo...na dintho tsa hao...sebakeng se kang seo Oswald a emeng ho sona hoseng hona, moo o tsebang? Ah! O ka etsa jwalo jwang?

Ho ka ba le e mong pele re kwala mme ke hlahisa thapel? Hoohe feela kahara mohaho, ya sa kang a phahamisa letsoho la hae, a re, "Moena Branham, esale o buile mantswa a ho qetela, ke—ke utlwa ntho eo." Motho mang kapa mang, ka ntle, diphatjhiseng, difensetereng hohle, kae feela, ha ho etse taba. Feela...

²¹⁵ Modimo a o hlohonolofatse, mofumahatsana e motjha. Modimo a o hlohonolofatse, monghadi, wena. Ke o bone. O hodima...Modimo a o hlohonolofatse, mofumahadi. Motho e mong o sele? Modimo a o hlohonolofatse, mofumahadi. Modimo a o hlohonolofatse, mona. Mme Modimo a o hlohonolofatse mono, moshanyana e monyenyane, ngwananyana. E, Morena a o hlohonolofatse. Morao mono, monghadi. Eya.

Jwale a re nahaneng ka yona feela jwale. Ke batla hore le etse hona re sa se binela tlase, *Jesu O Ntse A Bitsa*. Jwale ke batla feela le re, “Morena, nkgauhele nna, moetsadibe, kapa moiketsisi. Ke setho sa kereke, Morena, empa ke—ke—ke a O batla. Ke a O batla. Nthuse! Ke tla—ke tla O sebeletsa. Ke a e tshepisa, hona jwale. Ke phahamisitse letsoho la ka, hore ke a O batla. Jwale O phahamise pelo ya ka, ka hore ke a O amohela, mme ke tla O amohela ka pelong ya ka.” Re sa bina temana ena hape, na o tla e etsa?

O a bitsa kajeno,

O a bitsa kajeno,

²¹⁶ Jwale rapela ka mokgwa wa hao. Rapela jwale. “Jesu o a bits...” Ke Yena ya buang. Ke ka hona o ileng wa phahamisa letsoho la hao.

...derly o ntse a bitsa kajeno.

Jesu o ntse a bitsa, Oho utlwa Lentswe la Hae;

Mo utlweng...

Hona jwale, Mo utlweng. E re, “Morena, ke sitilwe. Madi a Hao a matsohong a ka. Ke moetsadibe. Ha ke sa A batla mono hape. Nke ke ka A hlatswa; ke lekile, ka dilemo. Nke ke ka O leleka jwalokaha Pilato a entse, le ho leka ho O romela mothong e mong o sele. Ke batla Wena. Kena pelong ya ka, hantle jwale, Morena. Ke a O amohela. Ke O bona o eme hantle ka pela ka, jwaloka setshwantsho se emeng mono; ka tumelo ke tsamaya ke kena hantle ka ho Wena, ka tsebo ya hore O a ntshwarela. Mme ke...O tla dula ka pelong ya ka, ho tloha mona.”

...kajeno, (motho ka mong a rapele)

Jesu o ntse a bitsa,

O bitsa ka lerato kajeno.

[Moena Branham o binela *Jesu O Ntse A Bitsa* ka marameng—Mong.]

²¹⁷ Ntate ya Lehodimong, molaetsanyana o fedile. Mme jwale, diqeto, makgotla a dutse hoseng hona. Mangeloi a bokane ka hara phaposi. Moya o Halalelang o moholo o mona o fana ka dinetefatso tsa hore Jesu o sa phela. E ne e le Sediba sa Bophelo bo sa Feleng. Lebitla le ne le ke ke la Mo fupara, le dihele di ke ke tsa Mmoloka. O ile a nyolohela hodimo; a sa lokolohile diheleng, a lokolohile lebitleng. Mme O eme pakeng tsa rona, kajeno.

Mme ditumelo tsa rona le phutheho tsa bodumedi di tlamile batho ba rona bongata, Morena. Sebe se ba tlamile, empa kajeno ba batla ho lokoloha. Ba eme jwaloka Pilato, mme, bakeng sa ho Mo fetisetsa ho motho e mong o sele, ba phahamisitse matsoho a

bona, "Kena pelong ya ka, Morena Jesu. Nke ke ka hlola ke O hlatswa ho nna hape. Nke ke ka kgona. O sa ntse o le matsohong a ka. Ke hlatswitse ka ba ka hlatswa, mme Wa se ke wa tloha, empa jwale ke a O amohela. Ke O batla bophelong ba ka, mme ke O amohela bophelong ba ka. Morena, nkamohèle Mmusong wa Hao, ka teselo ya dibe tsa ka, mme o mphe tumelo ya ho dumela hore O a nkamohela, Ntate." Fana ka sena. Lebitsong la Jesu Kreste, re a rapela.

²¹⁸ Mme jwale le sa inamisitse dihlooho tsa rona. Tumelo, ka tumelo... "Mme, Modimo, O nthuse ho tshephahala. Empa ka tsebo ya hore O tshepisitse hore..."

"Ya tlang ho Nna, Nke ke ka mo lahlela ka ntle. Mme Ke tla mo fa Bophelo bo sa Feleng, mme Ke tla mo tsosa matsatsing a qetelo. Ya Mpakang pela batho, le yena Ke tla mo paka ka pela Ntate wa Ka le Mangeloi a halalelang. Ya utlwang," tlhaloso ya sebele, ya nnete ya Mohalaledi Johanne 5:24 mono, ke, "ya utlwisang, ya amohelang Lentswe la Ka. Ya amohelang Lentswe la Ka, mme a dumela ho Ya Nthomileng, o na le Bophelo bo sa Kgutleng, mme a ke ke a biletswa Kahlolong." O ke ke wa tla Setulong sa Kahlolo jwaloka ha ho tla etsahala ka Oswald. "Empa o se o tlohile," ka teselo e sa tleng ka moputso, "lefung ho kena Bophelong."

²¹⁹ "Morena, ha ke tsebe jwang, ha ke tsebe hobane'ng, empa—empa ke a dumela hore e etsahetse. Ke dumela hono, ka pelong ya ka, ho se dumele ha ka ho tlohile. Nka re "amen" Lentsweng ka leng leo O le bolelang ka tokoloho, mme ke a Le amohela hantle jwale. Ke a e dumela."

²²⁰ Jwale ka dihlooho tsa rona tse inamisitsweng. Lona ba e dumetseng, le neng le phahamisitse matsoho a lona metsotswaneng e mmalwa e fetileng; mme ka tumelo le bona setshwantsho sa Kreste se eme mono, seo le loketseng ho kena ho sona. Le tsamaya jwale ka tumelo, o dumela hore dibe tsa hao di tshwaretswe. Mme ho tloha tsatsing lena ho tswela pele, o itokiseditse kolobetso ya boKreste, mme jwale o itokiseditse ho kena ka ho Kreste. Na o ka kgona, e le bopaki ho Yena, wa phahamisetsa matsoho a hao morao, wa re, "Ka tumelo ke E dumela ka pelo yohle ya ka"? Modimo a o hlohonolofatse. Ke hantle. "Jwale ke a Le amohela. Ke—ke a amohela; ha ho letho leo nka le etsang." Modimo a o hlohonolofatse. Ekare ke motho e mong le e mong eo ke mmoneng. "Jwale ke a amohela."

²²¹ Le a bona, ha o a loka, ha o e-so ka o loka, o ke ke wa loka ka letho, empa Jesu o shwetse batho ba se nang-thuso. "Ke loketse ho etsa'ng, Moena Branham?" Amohela feela seo A se entseng, amohela feela seo A o etseditseng sona feela. Mme jwale ka ho Se dumela le ho Se amohela..."

Jwale, ke a kgolwa, modisa, letsha le tla bulwa. [Moena Neville o re, “E.”—Mong.] Kolobetso e tla hlophiswa, ha o batla ho kolobetswa.

Haeba o nkile mabitso a tlotsi, “Ntate, Mora, Moya o Halalelang,” ruri o... Ke bolela sena ka tshabo le ka hlompho, empa, ho ya kamoo ke e bonang kateng, ha o a kolobetswa. Ha o a kolobetswa, hoba ha o a phethisisa seo A se boletseng.

²²² O itse, “Le ba kolobetse ka Lebitso la Ntate, Mora, le Moya o Halalelang.” Haeba mabitso ao a tlotsi a bitsitswe hodima hao; ha A re, “Eyং le bitse *maemedi* ana; eyang le bitse *mabitso* ana.” Ha e-so etsahale ka Bibeleng. Ha e-so sebetswe ka mokgwa oo. E ne e le, ho kolobetsa kamoo Jesu a boletseng, “Ka Lebitso la Ntate, Mora, le Moya o Halalelang,” e leng Jesu Kreste.

²²³ Petrose, ka dinotlolo, o boletse yona ntho eo; moapostola e mong le e mong o sele, Kereke yohle; ho fihlela Nicaea Council ya pele mohla Roma ya Katolike e neng e hlophisa, e amohela maemedi bakeng sa Lebitso. O kolobeletswa ditshomong tsa Roma tsa phutheho tsa bodumedi, kapa ho kolobetswa ka Lebitso la Jesu Kreste, e nngwe ya tsona. E matsohong a hao; o ke ke wa E tlosa ka ho e hlatswa. E teng mono.

O E amohetse jwale. Ke tla o botsa, ho sa—ha moletsi wa okono le moletsi oa piano ba sa phetla thokong e tummeng.

Tumelo ya ka e lelala ho Wena,
Wena Konyana ya Kalvari,
Mopholosi ya Kgethehileng;
Nkutlwé jwale ha ke rapela,
Mme o tlose kgopo bohole ba ka,
Mme ho tloha kajeno
Ke be wa Hao ka botlalo!

²²⁴ Ho se be motho ya tswang ka mohahong. Emang ka tshabo feela jwale, mme a re phahamisetseng matsoho a rona ho Yena jwale.

Tumelo ya ka e lelala ho Wena, (mme Ke
Lentswe)
Wena Konyana ya Kalvari,
Mopholosi ya Kgethehileng;
Nkutlwé jwale ha ke rapela,
Mme o tlose kgopo bohole ba ka,
Mme ho tloha kajeno
Ke be wa Hao, ka botlalo, ka botlalo le
phethahalo! Jwale ke neelana ka bophelo ba
ka.

²²⁵ Metsi a tla be a lokile metsotsong e mmalwa. Ha o sa kgone ho kolobetswa jwale, re tla kolobetsa hape bosius bona.

E nahane, thapama yohle, "Matsohong a rona." A tlose. Mokgwa o le mong feela o ka e sebetsang, ke, ho hlatsuwa Mading a Jesu Kreste, Eo e leng...O a bona? E, monghadi. Hopola jwale re sa inamisa dihlooho tsa rona. Sheba ho Yena jwale.

Ha ke tsamaya tseleng e lefifi...

²²⁶ Qeto e ka pelong ya hao jwale. O kahlolong. Lentswe le mothating wa ho thakgiswa. Jesu oeme kahlolong. O tla etsa'ng ka Jesu ya bitswang Kreste?

Eba Lesupatsela la ka;
 Laela lefifi le fetohe lesedi,
 Phumula maswabi, tlosa dikeledi,
 Ke se hhole ke lelera
 Ke se suthe pela Hao.

Jwale re sa inamisetsa dipelo tsa rona teng. [Moena Branham o qalella ho binela *Tumelo Ya Ka E Lelala Ho Wena* ka marameng—Mong.]

²²⁷ Nahanang ka botebo, metswalle. Mohlomong lebitso la hao ke la ho qetela le kenang Bukeng. Re nakong ya qetelo. Jwale nahanang ka botebo ruri. Na o entse hona, na ho na le motho ya Mo hanneng moo?

²²⁸ Hopola, mohlomong ha o sa tla hlola o tla hape. Pilato ha a ka hlola a fumana monyetla o mong hape. O ile a leka ka hohle ho pholoswa, mme ha a ka a kgona. E ne e le matsohong a hae. Mme le tla etsa'ng ka Lentswe le tlotseditsweng letsatsi lee, le bitswang Kreste?



Jesu Ea Bitsoang Kreste Ke Mo Etse Joang?, Vol. 8 No. 1
(What Shall I Do With Jesus Called Christ?, Vol. 6 No. 6R)

Molaetsa wona o tlileng ka Moena William Marrion Branham, o rerilweng tshimolohong ka Senyesemane ka Sontaha hoseng, Pudungwana, 24, 1963 mane Tabernakeleng ya Branham mane Jeffersonville, Indiana, U.S.A., o ntshitswe mabanteng a kgatiso a makenete mme o ngotswe o sa kgutsufatswa ka Senyesemane. Phetolelo ena ya Sesotho sa Borwa e phatlaladitswe ka 2000 ke ba ha:

VOICE OF GOD RECORDINGS
P.O. Box 950, Jeffersonville, Indiana 47131 U.S.A.

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org